

古書醫言引用書目

卷一

周易 詩經 書經 禮記 周禮 論語 家語 左氏傳 荀子 文子 亢倉子 子華子

卷二

劉子新論 鄧析子 鬼谷子 戰國策 呂氏春秋 史記 淮南子 列子 鹽鐵論 揚子法言 潛夫論 申鑒

卷三

中論前集 心邪經 鶡冠子 劉向新序 孔叢子 陸賈新語 春秋繁露 說苑 論衡 前漢書 後漢書 內經 傷寒論

卷四

# 古書醫言

安藝 吉益爲則公言著 男 猷修夫 校  
孫 順信夫

## 卷一

易曰。九五无妄之疾。勿藥有喜。  
象曰。无妄。藥不可試也。

爲則曰。九五以中正。當尊位。下又以中正應之。可謂无妄之至。其道無以加矣。疾者謂作之病也。以九五之無妄。如其有疾。勿以藥治。則有喜也。夫人之有疾。則以毒藥攻去其病毒。以復其正。若無疾病而攻治之。則反害其正矣。故勿藥自愈也。无妄之疾。雖自外來。无妄之體。剛健貞順。固不受也。而无妄之疾而動。則是爲妄也。書曰。若藥勿瞑眩。厥疾勿瘳。

爲則曰。書言醫事。可信。莫古焉。而後世不由此語。蓋漢以降。疾醫之道熄焉。陰陽醫隆焉。夫陰陽者造化之事。而非人事也。故聖門天地陰陽者。恭敬而從之。慎無犯耳。以陰陽不論人事也。然漢以降。陰陽之說播而吾道湮矣。其論益似微。其事益難成也。悲哉。天下衆庶。嬰係疾病。不能免脫其苦患也。是無它。以陰陽論疾病。以不知爲知之弊也。乃如太倉公是也。蓋醫者掌疾病。疾病不治。豈謂醫乎。然太倉公論死生。而不能救疾病。偶有救者。論與治乖。非空言虛論而何。故於其傳評之。可以考矣。今此語易讀難行。爲之則瞑眩。瞑眩人人皆異。千變萬怪。不可名狀也。故藥中肯綮。毒不解。則藥終勿瞑眩也。毒解則藥忽瞑眩也。或有眩瞑數十日。絕食羸瘦。將死而毒盡。頓快者也。或有瞑眩數死數蘇。而毒盡漸治者也。是皆不自爲之者。奚能得知焉。故曰。此語易讀難行也。醫術習熟在茲。醫術習熟在茲。

詩經曰。匪我言耄。爾用憂譖。多將燭燭。不可救藥。

焉則曰。多行燭燭。慘毒之惡。醫之死病無良醫。

禮記曰。醫不三世。不服其藥。

孔氏穎達曰。父子相承至三世。是積物調齊矣。呂氏大臨曰。醫至三世。治人多矣。用物熟矣。功已試而無疑。然後服之。亦謹疾之道也。方氏慤曰。醫之爲術。苟非祖父子孫傳業。則術無自而精。術之不精。可服其藥乎。焉則曰。禮之所言。其常而已。雖非傳業。其人而自然克得。倘克治疾。未及三世。固所可用也。

凡執技以事上者。祝史射御醫卜及百工。凡執技以事上者。不貳事。不移官。

焉則曰。禮運曰。臣與家僕雜居齋齒。非禮也。

孟春行秋令。則其民大疫。

季春行夏令。則民多疾疫。

孟夏月也。聚蓄百藥。

仲夏行秋令。民殃於疫。

孟秋行夏令。民多瘧疾。

季秋行夏令。民多飢癘。

民必疾疫。又隨以喪。命之曰暢月。

仲冬行春令。民多疥癩。

焉則曰。凡月令之旨。病於治療無益矣。雖聖經不能無疑。唯率以言之。乃可也。理以推之。乃不可也。又周禮及

呂氏春秋等月令。皆倣之。非疾醫之事。

惻怛之心。痛疾之意。悲哀志遺氣盛。



言之乃可也。理以推之乃不可也。

以五味五穀五藥養其病。

爲則曰病無養之道。故注云。養猶治也。

又曰。病由氣勝負而生。是陰陽醫之說。而非疾醫之論。

以五氣五聲五色。詆其死生。

爲則曰。知死生也。病者與醫者無益。由是思之。古人有疑於周禮也。宜哉。

兩之以九竅之變。參之以九藏之動。

爲則曰。九竅九藏。四肢百體。是造化之所爲也。以人事不可接也。病者皆毒依於法。去其毒。則九竅九藏之變。

皆治復初。由是觀之。古人所謂。是亦攬入乎。

凡民之有疾病者。分而治之。死終則各書其所以。而入于醫師。

瘍醫掌腫瘍潰瘍金瘍折瘍之祝藥。劓殺之齊。

鄭司農曰。祝當爲注讀。如注病之注。聲之誤也。注謂附着。劓謂刮去。

凡療瘍。以五毒攻之。

鄭司農曰。止病曰療。攻治也。五毒五藥之有毒者。今醫方五毒之藥。作之合黃。整置石膽丹砂雄黃礬石慈石。

其中。燒之三日三夜。其煙上著。以鷄羽掃取。以注創。惡肉破。骨則盡出。

以五氣養之。以五藥療之。以五味節之。

鄭司農曰。五氣當作五穀。爲則曰。五穀亦用於藥。則皆毒也。

凡藥。以酸養骨。以辛養筋。以鹹養脈。以苦養氣。以甘養肉。以滑養竅。

爲則曰。是亦攬入陰陽之論也。疾醫不取。

辨三酒之物。一曰事酒。二曰昔酒。三曰清酒。

鄭司農曰。事酒有事而飲也。昔酒無事而飲也。清酒祭祀之酒。玄謂。事酒酌有事者之酒。其酒則今之醇酒也。昔酒今之曾久白酒。所謂舊醖者也。清酒今中山冬釀接夏而成。爲則曰。古方白酒清酒。以是可知矣。

論語曰。孟武伯問孝。子曰。父母唯其疾之憂。

古注曰。孝子不妄爲非。唯疾病。然後使父母憂。

伯牛有疾。子問之。自牖執其手。曰。亡之命矣夫。斯人也。而有斯疾也。斯人也。而有斯疾也。子之所慎。齊戰疾。爲則曰。疾之慎則在乎守節。

曾子有疾。召門弟子曰。啓予手。啓予足。詩云。戰戰兢兢。如臨深淵。如履薄冰。而今而後。吾知免夫。小子。

曾子有疾。孟敬子問之。曾子言曰。鳥之將死。其鳴也哀。人之將死。其言也善。

爲則曰。孝經云。身體髮膚。受之父母。不敢毀傷。孝之始也。免者免災也。夫君子言必信。行必忠。故免災。今之學者。乃不然。懷旃。

敢問死。曰。未知生。焉知死。

爲則曰。死生天命也。故聖人不論。況於常人乎。

子夏曰。商聞之矣。死生有命。富貴在天。

子曰。南人有言。曰。人而無恆。不可以作巫醫。善夫。

物子曰。人而無恆。不可以作巫醫。鄭玄曰。主巫醫。不能治無恆之人。物子曰。鄭玄之解。古來相傳之說已。作巫醫者。謂爲其人卜筮且醫疾也。非謂以其人爲巫醫之人也。

康子饋藥。拜而受之。曰。丘未達。不敢嘗。

爲則曰。孔安國曰。未知其故。故不敢嘗。禮也。物子曰。古人解古文辭。可謂盡之矣。祇其辭簡奧。讀者未易解已。

故故實也。謂禮也。未知其故。故不敢嘗。是解孔子之言也。禮者言孔子所以言者禮也。醫師職曰。醫師掌醫之政令。聚毒藥以共醫事。是古之藥多毒藥。故鄭註曰。藥之物恆多毒。爲則曰。蓋鄭玄徂徠皆非醫也。而不行而吉藥多毒。此誤也。本草曰。有毒無毒。是食醫之事。而非疾醫之事也。以食醫混疾醫亦誤也。是疾醫之道所以絕焉。食醫者主養也。疾醫者主攻也。故古語攻病以毒藥。養精以穀肉菓菜。雖穀肉菓菜用爲藥。則有攻之意。故藥皆毒也。譬如甘麥大棗湯。三味爲食料。則無毒。用藥方中肯綮。則大腹眩。或吐瀉。或發汗。而其毒解。疾乃廖。是無它。毒毒乎毒也。吾黨小子行而言。勿舌言。雖彼博洽巨儒。不行而言皆臆也。故學如鄭玄徂徠。尙致此過失矣。聖人戒之曰。有不知而作之者。我無是也。慎哉。又曰。如藥勿瞑眩。厥疾勿瘳。此非疾醫則不能解也。知藥皆毒亦然。物子曰。饋毒於人。而令死。古者謂之饋藥焉。是所以無饋藥之禮也。孔子時禮失俗變。貴人聞疾或饋之。時人亦必嘗之。依賜食之禮也。皆非禮也。此或一說。

家語曰。哀公問孔子曰。智者壽乎。仁者壽乎。孔子對曰。然。人有三死。而非其命也。己自取也。夫饕餮不時。飲食不節。逸勞過度者。疾共殺之。居下位而上干其君。嗜欲無厭而求不止者。刑共殺之。以少犯衆。以弱侮強。忿怒不類。動不量力。兵共殺之。此三者非命也。人自取之。若夫智士仁人。將身有節。動靜以義。喜怒以時。無害其性。雖得壽焉。不亦宜乎。

孔子曰。夏藥苦於口。利於病。

爲則曰。藥皆毒也。毒毒于毒而疾乃廖。奚藥之夏之有焉。按史記漢書皆作毒藥。韓非子說苑并作夏藥。憶者劉向校合家語之時。因韓非作夏藥乎。今從史漢。作毒藥爲是。

曾子耘瓜。誤斷其根。曾皙怒。建大杖以擊其背。曾子仆地而不知人。久之。有頃乃蘇。君子修道立德。不爲窮困而改節。爲之者人也。生死者命也。

魯哀公問於孔子曰。人之命與性何謂也。孔子對曰。分於道。謂之命。形於一。謂之性。化於陰陽象形而發。謂之生。

化窮數盡謂之死。

鄭子產有疾。謂子太叔曰。我死子必爲政。唯有德者能以寬服民。其次莫如猛。春秋左氏傳曰。六日公至。毒而獻之。公祭之地。墳與犬犬斃。與小臣小臣亦斃。

爲則曰。地墳是不知爲何毒太甚。

隕石于宋五。隕星也。六鷁退飛。過宋風也。云云。退而告人曰。君失問。是陰陽之事。非吉凶所生也。吉凶由人。吾不敢逆君故也。

爲則曰。陰陽者天事也。吉凶者人事也。積善餘慶而吉。積惡餘殃而凶。譬如人病。有毒于內。則因天令而毒動。病無毒于內。則天令雖烈不病也。陰陽之事。以人事不可計。奉順而守之耳。

邾子曰。苟利於民。孤之利也。天生民而樹之。君以利之也。民既利矣。孤必與焉。左右曰。命可長也。君何弗爲。邾子曰。命在養民。死之短長時也。民苟利矣。遷也。吉莫如之。遂遷于繇。五月邾文公卒。君子曰。知命。

齊侯戒師。期而有疾。醫曰。不及秋將死。

穆公有疾曰。蘭死。吾其死乎。吾所以生也。刈蘭而卒。

晉人獲秦謀。殺諸絳市。六日而蘇。

晉胥克有蟲疾。

諺曰。高下在心。川澤納污。山藪藏疾。

邠報氏土薄水淺。其惡易覲。易覲則民愁。民愁則墊隘。於是乎有沈溺重隨之疾。不如新田土厚水深。居之不疾。

焉則曰。是後世所謂脚氣之遺毒也。然脚氣無毒。人雖居卑濕之地。不疾。故特無脚氣之藥。但視毒之所在而

治。則克治。學者察諸。

晉侯夢大厲。被髮及地。搏膺而踊曰。殺余孫。不義。余得請於帝矣。壞大門及寢門而入。公懼入于室。又壞戶。公覺



召桑田巫。巫言如夢。公曰何如。曰不食新矣。公疾病求醫于秦。秦伯使醫緩爲之。未至。公夢。疾爲二豎子。曰彼良醫也。懼傷我焉。逃之。其一曰居膏之上。膏之下。若我何。醫至曰疾不可爲也。在膏之上。膏之下。攻之不可。達之不及。藥不至焉。不可爲也。公曰良醫也。厚爲之禮而歸之。六月丙午。晉侯欲麥。使甸人獻麥。饋人爲之。召桑田巫。示而殺之。將食。張如廁陷而卒。小臣有展夢。負公以登。及日中。負晉侯出諸廁。遂以爲殉。

爲則曰緩之言非疾醫之辭。註曰傳言巫以明術見殺。小臣以言夢自稱。孔子曰不語怪力亂神。豈亦其人之命耶。

晉范文子反自鄆陵。使其祝宗祈死曰君驕侈而克敵。是天益其疾也。難將作矣。愛我者唯祝我。使我速死無及於難。范氏福也。六月戊辰士燮卒。

君子謂子重於是役也。所獲不如所亡。楚人以其谷子重。子重病之。遂遇心疾而卒。

爲則曰非毒而病。皆不可藥也。

子駟使賊夜弑僖公。而以瘞疾赴于諸侯。

以待驪者而庇民焉。寇不爲害。民不罷病。不亦可乎。

子駟曰國病矣。子展曰得罪於二大國。必亡。病不猶愈於亡乎。

爲則曰疾病可治。死不可救。

叔豫曰國多寵而王弱。國不可爲也。遂以疾辭。方暑。闕地下冰而牀焉。重繭衣裘。鮮食而饑。楚子使醫視之。復曰瘠則甚矣。而血氣未動。乃使子南爲令尹。吾見申叔。夫子所謂生死而肉骨也。

其御曰孟孫之惡子也。而哀如是。季孫若死。其若之何。臧曰季孫之愛我。疾疢也。孟孫之惡我。藥石也。美疢不如惡石。夫石猶生我。疢之美。其毒滋多。孟孫死。吾亡無日矣。

詩曰誰能執熱。逝不以濯。禮之於政。如熱之有濯也。濯以救。何患之有。

爲則曰。古昔有水漬之法。亦如此。太倉公傳可考矣。

然明謂子產曰。毀鄉校如何。子產曰。何爲夫人朝夕退而游焉。以譏執政之善否。其所善者吾則行之。其所惡者吾則改之。是吾師也。若之何毀之。我聞忠善以損怨。不聞作威以防怨。豈不遽止。然猶防川。大決所犯。傷人必多。吾不克救也。不如小決使道。不如吾聞而藥之也。然明曰。賊也。今而後知吾子之信可事也。小人實不才。若果行此。其鄰國實賴之。豈唯二三臣。仲尼聞是語也。曰。以是觀之。人謂子產不仁。吾不信也。

晉侯有疾。鄭伯使公孫僑如晉聘。且問疾。叔向問焉。曰。寡君之疾病。卜人曰。實沈臺駘爲祟。史莫之知。敢問。此何神也。子產曰。云云。由是觀之。則臺駘紛神也。抑此二者不及君身。山川之神。則水旱疇疫之災。於是乎禱之。云云。若君身。則亦出入飲食哀樂之事也。山川星辰之神。又何爲焉。僑聞之。君子有四時。朝以德政。晝以訪問。夕以脩令。夜以安身。於是乎節宣其氣。勿使有所壅閉湫底。以露其體。茲心不爽而昏亂百度。今無乃壹之。則生疾矣。僑又聞之內官不及同姓。其生不殖。美先盡矣。則相生疾。君子是以惡之。云云。晉侯聞子產之言。曰。博物君子也。重賄之。

爲則曰。子產曰。若君身。則亦出入飲食哀樂之事也。嗚呼。君子言哉。慎疾醫之疾。在飲食嗜欲守節爾。後世謂風寒暑濕之疾。誤可以知矣。

又曰。子產曰。君子有四時。是養生脩身之道。可不務乎。

晉侯求醫於秦。秦伯使醫和視之。曰。疾不可爲也。是謂近女室。疾如蠱。非鬼非食。惑以喪志。良臣將死。天命不祐。云云。趙孟曰。良醫也。厚其禮而歸之。

爲則曰。是國醫之論。而非疾醫之事也。後世醫書以此論言六氣之疾。誤也。蓋其所論近女室。疾如蠱。良臣將死。皆是非疾爲之也。

衛侯使賂周。微治瘡曰。苟能納我。吾使爾爲卿。周治殺元咀及子適子儀。公入祀先君。周治既服將命。周微先入。

及門遇疾而死。治瘧辭卿。

爲則曰。周微死也。假令不死。治瘧見其疾以爲爵。而辭乃可矣。過而改則無災也。祭統曰。爵有德而祿有功。必賜爵祿於大廟。爵不敢專也。周治爲卿不義也。不義神明不受也。宜哉見爵。

晉侯飲酒云云。亦自飲也。曰味以行氣。氣以實志。志以定言。言以出令。臣實司味。二御失官。而君弗命。臣之罪也。公說微酒。

爲則曰。味以行氣固然。但後世醫家欲以毒藥行氣。大誤矣。何則。非食味。氣不得養。故可謂味以行氣也。藥皆毒。疾亦毒也。以毒攻毒。氣或不行。爲有毒而去其毒。則氣自行。故不可謂藥以行氣也。

許悼公殯。五月戊辰飲。太子止之藥。卒。太子奔晉。書曰。弑其君。君子曰。盡心力以事君。舍藥物可也。

爲則曰。凡非本職。勿好爲焉。奚唯藥。

泠州鳩曰。王其以心疾死乎。

水渫方降。疾遽方起。

齊高彊曰。三折肱。知爲良醫。

爲則曰。醫之爲功也。以一不可快。再三得功而後。方證始可以言已。

樹德莫如滋。去疾莫如盡。

是歲也。有雲如衆。赤鳥夾日。以飛三日。楚子使問諸周大史。周大史曰。其當王身乎。若藥之。可移於令尹司馬。王曰。除腹心之疾。而實諸股肱。何益。不穀不有大過。天其天誅。有罪受罰。又焉移之。遂弗藥。昭王有疾。卜曰。河爲祟。王弗祭。大夫請祭諸郊。王曰。三代命祀。祭不越望。江漢雒陽楚之望也。稱福之至。不是過也。不穀雖不德。河非所獲罪也。遂弗祭。孔子曰。楚昭王知大道矣。其不失國也。宜哉。夏書曰。惟彼陶唐。帥彼天常。有此冀方。

吳將伐齊。越子率其衆以朝焉。王王及列士。皆有饋賂。吳人皆喜。唯子胥懼曰。是樂吳也夫。諫曰。越在我心腹之

疾也。壤地同而有欲於我夫。其柔服求濟其欲也。不如早從事焉。得志於齊。猶獲石田也。無所用之。越不爲沼。吳其泯矣。使醫除疾而曰必遺類焉者。未之有也。

且唯聖人能無外患。又無內憂。距非聖人必偏而後可。偏而在外。猶可救也。疾自中起。是難。君子失心。鮮不夭昏。

平公有疾。秦景公使醫和視之。云云。文子曰。醫及國家乎。對曰。上醫醫國。其次疾人。國醫官也。

爲則曰。國醫與疾醫之分。於是可知。

吾聞國家將敗。必用姦人而嗜其疾味。其子之謂乎。夫誰無疾膏。能者蚤除之。舊怨滅宗國之疾膏也。

管子曰。朝忘其事。夕失其功。邪氣入內。正色乃衰。

上侍龜。好用巫醫。則鬼神驟祟。故功之不立。名之不章。爲之患者三云云。

再會諸侯。令曰。養孤者食常疾。收孤寡。

爲則曰。五霸之令如斯。民之蒙恩澤可以知矣。然至於孟子之時。諸侯放肆乃不然。故孟子曰。今之諸侯。五霸之罪人也。

故赦者犇馬之委轡。毋赦者座雕。爲則曰。雕。或謂字衍。之礪石也。

滋味動靜。生之養也。好惡喜怒哀樂。生之變也。聰明當物。生之德也。是故聖人齊滋味而時動靜。御正六氣之變也。

當生者生。當死者死。言有西有東。各死其鄉。置常立儀。能守貞乎。

欲愛吾身。先知吾情。君親六合。以考內身。以此知衆。乃知行情。既知行情。乃知養生。

三月如咀。咀者何。曰五味。五味何。曰五臟。酸主脾。鹹主肺。辛主腎。苦主肝。甘主心。五臟已具。而後生肉。脾生腦。肺生骨。腎生腦。肝生革。心生肉。五肉已具。而後發爲九竅。脾發爲鼻。肝發爲目。腎發爲耳。肺發爲竅。五月而成。十月。

而生。生而目視耳聽心慮。目之所以視。非特山陵之見也。察於荒忽。耳之所聽。非特雷鼓聞也。察於幽微。心之所慮。非特知於羣羣也。察於微眇。

焉則曰。五臟六腑。四肢百骸之論。諸書各異。要之其旨皆以理推之。輪說之辭也。蓋五臟六腑。四肢百骸。九竅皆造化之所爲。而非人之所爲也。醫家率以陰陽五行之理。輪之。療之。無有寸效矣。疾醫不然。以造化不混於人事。萬病唯爲一毒。去其毒。則目之不明也明。耳之不聞也聞。其爲術可以知矣。不能爲而輪之。臆而無益。君子不爲。

遇者兼和。然則天無疾風。草木發奮。鬱氣息。民不疾而榮華。蕃。

死死生生。因天地之形。天地之形。聖人成之。

不思不慮。不憂不圖。利身體。便形軀。養壽命。垂拱而天下治。

思索生知。慢易生憂。暴傲生怨。憂鬱生疾。疾因乃死。思之而不捨。內因外薄。不蚤爲圖。生將異舍。

焉則曰。憂鬱生疾。是甚不然。夫七情者氣也。雖憂鬱。逢喜有時忽消。雖逢喜。憂鬱或時不消。是因憂而有毒。聚而不去也。疾者毒也。無毒而不病。故治術唯去毒耳。學者思諸。

凡人之生也。天出其精。地出其形。合此以爲人。和乃生。和不生。察和之道。其精不見。其微不覩。平正擅胸。輪治在心。此以長壽。

桓公曰。善哉。牧民何先。管子對曰。有時先事。有時先政。有時先德。有時先怒。飄風暴雨不爲人害。涸旱不爲民患。百川道。年穀熟。糴貨賤。禽獸與人聚食。民食。民不疾病。

當春三月。荻室煖。造鑽燧。易火抒抒引而灌之也。又灌也。井易水。所以去茲毒也。

夏有大露。原煙墮下。百草人采。食之傷人。人多疾病而不止。云云。大寒。大暑。大風。大雨。其至不時者。此謂四刑。或遇以死。或遇以生。君子避之。是亦傷人。

爲則曰。天令不傷人。以此足知。或遇以死。或遇以生。是無它。遇天令而內毒動而死者有之。遇天令而內毒去而生者有之。均是天令。生死不同。不可預知也。故君子避之。後世醫家計之論之。妄哉噫。起居時。飲食節。寒暑適。則身利而壽命益。起居不時。飲食不節。寒暑不適。則形體累而壽命損。修行慢易。則汚辱生矣。故曰。邪氣襲內。正色乃衰也。

人君唯母好全生。則羣臣皆全其生。而生又養。生養何也。曰滋味也。聲色也。然後爲養生。然則從欲妄行。男女無別。反於禽獸。然則禮義廉恥不立。人君無以自守也。故曰。全生之說勝。則廉恥不立。民之能已民疾病者。置之黃金一斤。直食八石。

墨子春秋曰。景公疥且癢。暮年不已。召會譚梁丘據墨子而問焉。曰。寡人之疾病矣云云。政月而君病悛。爲則曰。此文與左傳同。故不枚舉。

景公病水。臥十數日。夜夢與二日關。不勝。墨子朝。公曰。夕者夢與二日關。而寡人不勝。我其死乎。墨子對曰。請召占夢者。出於闔。使人以車迎占夢者。至。曰。曷爲見召。墨子曰。夜者公夢二日與公關。不勝。公曰。寡人死乎。故請君占夢。是何爲也。占夢者曰。請反其書。墨子曰。毋反書。公所病者陰也。一陰不勝二陽。故病將已。以是對。占夢者入云云。居三日。公病大愈。

景公病疽。在背。高子國子請公曰。職當撫瘍。高子進而撫瘍。公曰。熱乎。曰。熱。熱何如。曰。如火。其色何如。曰。如未熟李。大小如何。曰。如豆。墮者何如。曰。如履辨。二子者出。墨子請見。公曰。寡人有病。不然勝衣冠。以出見夫子。其辱視寡人乎。墨子入。呼宰人具盥。御者具巾。刷手溫之。發席傳薦。跪請撫瘍。公曰。其熱何如。曰。如日。其色何如。曰。如蒼玉。大小何如。曰。如璧。其墮者何如。曰。如珪。墨子出。公曰。吾不見君子。不知野人之拙也。景公疥遂瘳。云云。

爲則曰。左傳之文。大同少異。故不枚舉。

卷二

荀子曰。西有木焉。名曰射干。莖長四寸。生於高山之上。而臨百仞之淵。木莖非能長也。所立者然也。本草藥名有射干。一名烏藥。陶弘景曰。花白莖長。如射人之教竿。又引阮公詩云。射干臨層城。是生於高處也。據本草在草部中。又生南陽川谷。此云西方有木。未詳或曰。長四寸即是草。云木誤也。蓋生南陽亦生西方也。

屬辨善之度。以治氣養生。則後彭祖。以修身自名。則配堯禹。宜於通時。利以處窮。禮信是也。凡用血氣。志意知慮。由禮則治通。不由禮則勃亂提優。食飲衣服。居處動靜。由禮則和節。不由禮則觸陷生疾。容貌態度。進退趨行。由禮則雅。不由禮則夷固辟遠。庸衆而野。故人無禮則不生。事無禮則不成。國家無禮則不寧。詩曰。禮儀卒度。笑語卒獲。此之謂也。人之有闕何哉。我欲屬之狂惑疾病也。則不可。聖王又誅之。

五疾上收而養之。材而事之。五疾。唐書賊亂者。條條。各當其材。使。謂若曉習修養。司火之屬。官施而衣食之。養覆無遺。才行反時者。死無赦。夫是之謂天德。王者之政也。

罔罾毒藥。不入澤。不天其生。不絕其長也。毒藥。毒魚之藥。罔。彼得之。不足。以藥傷補敗。人主不能不有遊觀安燕之時。則不得不有疾病物故之變焉。如是國者。事物之至也。如泉源。一物不應。亂之端也。

人莫貴乎生。莫樂乎安。所以養生樂安者。莫大乎禮義。人知貴生樂安。而弃禮義辟之。是猶欲壽而効頸。愚莫大焉。

疾癘緩急之有相先者也。癘。與養同。

養備而動時。則天不能病。修道而不貳。則天不能禍。故水旱不能使之飢渴。寒暑不能使之疾。

焉。則曰。醫書謂。六氣傷於人。冒於人。而違之治方。其誤可以知矣。無毒之人。不所傷焉。不所冒焉。蓋荀子天論

一篇熟讀玩味。而疾醫之道可闡明也。

人苟生之爲見。若者必死。苟利之爲見。若者必害。

爲則曰。生死者非人之所主。故疾醫不言也。且荀子以此語。其有害於事實。可覺知也。

醉者越百步之溝。以爲頭步之澮也。俯而出城門。以爲小之關也。酒亂其神也。

傷於濕而擊鼓。鼓癰。則必有弊鼓喪豚之費矣。而未有俞疾之福也。

爲則曰。傷於濕。疑非疾醫之語。

性傷爲之病。

疾養滄熱。滑鉞輕重。以形體異。

爲則曰。以形體異。則無毒人不病。亦可知也。

故獨讀其章也。萬物之美。而盛憂。兼萬物之利。而盛害。如此者。其求物也。養生也。弼壽也。耶。問之辭。故欲

養其欲。而縱其情。欲養其性。而危其形。欲養其樂。而攻其心。欲養其名。而亂其行。如此者。雖封侯稱君。其與夫盜

無以異。樂軒戴綬。同。夫是之謂以己爲物役矣。

八十者。一子不事。九十者。舉家不事。廢疾非人不養者。一人不事。

良醫之門多病人。藥括之側多枉木。

文子曰。老子曰。萬物之總。皆開一孔。萬事之根。皆出一門。故聖人一度循軌。不變其故。不易其常。放準循繩。曲因

其常。夫喜怒者道之喪也。憂悲者德之失也。好憎者心之過也。嗜欲者生之累也。人大怒破陰。大喜墮陽。薄氣廢

音。驚怖爲狂。憂悲焦心。疾乃成積。人能除此五者。即舍於神明。得其內者五藏寧。

爲則曰。道家之論。而疾醫不取。

又曰。老子曰。人受天地變化而生。一月而膏。二月而血脈。三月而脈。四月而胎。五月而筋。六月而骨。七月而成形。



八月而動。九月而躁。十月而生。

爲則曰。此論說之辭。疾醫不取。

衆人皆知利。而不知病。聖人知病之爲利。利之爲病。故再實之木。其根必傷。掘藏之家。其後必殃。夫大利者。反爲害。天之道也。關尹子曰。人之平日。目忽見非常之物者。皆精有所結而使之然。人之病日。目忽見非常之物者。皆心有所歎而使之然。

爲則曰。精可謂結也。氣不可謂結也。何則。氣者無形。精者有形。無形不可結也。此語勝班固遠矣。

曰。心慮者猶忘。心忘者猶忘寒。心養者猶忘病。心激者猶忘痛。苟吸氣以養其和。孰能餓之。存神以滋其煖。孰能寒之。養五臟以五行。則無傷也。孰能病之。歸五臟於五行。則無知之。孰能痛之。

曰。人之呼一吸。日行四十萬里。化可謂速矣。唯聖人不存不變。

爲則曰。並皆論說之辭。

曰。爪之生。髮之長。榮衛之行。無頃刻止。衆人皆見之於著。不能見之於微。聖人任化。所以不化。

曰。金玉難損。土石易拾。學道之士。遇微微當言妙行。慎勿執之。是可爲而不可執。若執之。則腹心之疾。無藥可療。

爲則曰。榮衛二字。古書始見焉。榮衛者。蓋氣血也。

曰。聖人太言金玉。小言桔梗。桔梗生之。不當金玉斃之。

亢倉子曰。終生之者。天地也。養成之者。人也。云云。草叢則爲腐。樹鬱則爲蠹。人鬱則爲病。國鬱則百廢並起。

爲則曰。是亦道家之說。非疾醫之語。

子華子曰。醫者理也。理者意也。藥者倫也。倫者養也。腑臟之伏也。血氣之留也。空竅之塞也。關兩之礙也。意其所未然也。意其所將然也。察於四然者。而謹訓於理。夫是之謂醫。以其所有餘也。而養其所乏也。

爲則曰。是陰陽醫之說。而非疾醫之論也。蓋子華子。晉人程本撰。有僞作之說。然劉向校定其書。則其所來尙

矣。而此論今之醫家。許叔微以降。據此以爲大害疾醫之道。故不必問真贗。唯以古語辨斥其誤。醫者理也。理者意也。是誤也。夫醫者掌治疾病。治疾病者方也。方者聚毒藥以爲方。扁鵲曰。視毒之所在。病應見于大表。蓋醫者技也。何以意爲。其誤已見於王充論衡。藥者論也。論者養也。是亦誤也。藥皆毒。有攻之意。無養之意。詳辨於答問書。因亦不贅。

長短頓悟。百疾俱作。時方疾瘳。道有蠱風。盲禿狂僂。萬恬以生。所以然者。氣之所感故也。

爲則曰。夫氣者造化之司。而非人事也。故無益於治。是以疾醫不論。學者察諸。

劉子新論曰。利害者得失之本也。得失者成敗之源也。云云。夫內熱者飲毒藥。非不害也。

疽座用砭石。非不痛也。然而爲之者。以小痛來而大痛滅。則細害至。巨害除也。

鄧析子曰。患生於官成。病始於少瘳。禍生於憊慢。孝衰於妻子。此四者慎終如始也。

鬼谷子曰。病者感衰氣。是不神也。

爲則曰。是亦非疾醫之語。

戰國策曰。醫扁鵲見秦武王。王示之病。扁鵲請除。左右曰。君之病。在耳之前目之下。除之未必已也。將使耳不聰目不明。君以告扁鵲。鵲怒而投其石。石砭曰。君與知之者謀之。而與不知者敗之。使此秦國之政也。則君一舉而亡國矣。

爲則曰。今世亦然。治療難知。其知之人。療之。而不知之人。妄評之。是扁鵲所謂一舉亡之之謂乎。

以天下擊之。醫猶以千鈞之弩潰難也。

良醫知病人之生死。

爲則曰。知死生非疾醫之事。知之不知。醫者病者。皆共無益。學者思諸。

巨未嘗聞指大於臂。臂大於股。若有此。則病必甚矣。今求此胡桔梗於沮澤。則累世不得一焉。及之。舉黍梁父之

陰則鄰車而載耳。

客有獻不死之藥於荆王者。謁者操以入。中射之士問曰。可食乎。曰可。因奪而食之。王怒使人殺中射之士。中射之士使人說王曰。臣聞謁者曰可食。臣故食之。是臣無罪而罪在謁者也。且客獻不死之藥。臣食之而王殺臣。是死藥也。王殺無罪之臣。而明人之欺王。王乃不殺。

病鉤短也。身大臂短。不能及地。

謂韓相國曰。人之所以善屬鵠者。爲有臍腫也。使善屬鵠而無臍腫也。則人莫之爲之也。臣隣家有遠爲吏者。其妻私人。其夫且歸。其私之者憂之。其妻曰。公勿憂也。吾已爲藥酒以待之矣。

韓非子曰。泰之有韓。若人之有心腹之病也。處處則核然也。核然也。心腹處。面焉然。若居漏地。簪而不去。以極走則發矣。天有大命。人有大命。夫香美脆味。厚酒肥肉。甘口而疾形。曼理皓齒。說情而損精。故去甚去泰。身乃無害。與死人同病者。不可生也。與亡國同事者。不可存也。

爲則曰。非疾醫之事。

醫善吮人之傷。含人之血。非骨肉之親也。利所加也。

人有禍則心畏恐。心畏恐則行端直。行端直則思慮熟。思慮熟則得事理。行端直則無禍害。無禍害則盡天年。得事理則必成功。盡天年則全而壽。必成功則富與貴全。壽富之爲福。而福本於有禍。故曰。禍兮福之所倚。以成其功也。

人處疾則貴醫。有禍則畏鬼。聖人在上。則民少欲。民少欲則血氣恬。而舉動理。舉動理則少禍害。

夫內無淫疽痺痺之害。而外無刑罪法誅之禍者。

憂則疾生。疾生而智慧衰。智慧衰則失度量。失度量則妄舉動。妄舉動則禍害至。禍害至而疾憂內。疾憂內則痛。痛則外。痛則外。則苦痛難於腸胃之間。苦痛難於腸胃之間。則傷人也。

嗜慾無限。動靜不節。則瘕疽之爪角害之。

夏醫之治病也。攻之於腠理。此皆爭之於小者也。

爲則曰。非疾醫之辭。腠理即表也。

勾踐入官於吳。身執干戈。爲吳王洗馬。故能殺夫差於姑蘇。文王見晉於王門。顏色不變。而武王擒紂於牧野。故曰守柔曰強。越王之霸也。不病官。武王之王也。不病晉。故曰聖人之不病也。以其不病。是以無病也。

扁鵲診桓公云云。

爲則曰。扁鵲診桓公。韓非子與史記頗有異同。各傳其所聞。是以不一也。故解書非其人。則難爲信。可知矣。凡事不躬親。爲而得。則難不可言。故曰。君子行言。小人舌言。不爲而言之。是非聖門之學。而漢儒往往有此弊也。諺云。巫咸雖善祝。不能自袪。秦醫雖善除。不能身彈。

聞古扁鵲之治病也。以刀刺骨。聖人之救危國也。以忠拂耳。刺骨故小痛在體。而長利在身。拂耳故小逆在心。而久福在國。故甚病之人。利在忍痛。猛毅之君。福以拂耳。忍痛故扁鵲盡巧。拂耳則子胥不失養安之術也。病而不忍痛。則失扁鵲之巧。危而不拂耳。則失聖人之意。如此長利不遠垂。功名不久立。

夫夏藥苦口。而智者勸而飲之。知其入而已疾也。忠言拂於耳。而明主聽之。知其可以致功也。

爲則曰。史記。漢書。竝夏作毒。今從之。

能使彈疽者。必其忍痛者也。

夫瘕疽之痛也。非刺骨髓。則煩心不可支也。非如是。不能使人以半寸砥石彈之。今人主之於治亦然。今有法曰。斬首者。令爲醫匠。則屋不成而病不已。夫匠者手巧也。而醫者齊藥也。而以斬首之巧爲之。則不當其能。

夫彈瘕者痛。飲藥者苦。爲苦億之不故。彈瘕飲藥。則身不活。病不已矣。

慈母之於弱子也。愛不可爲前。不可先以愛養之也。而弱子有僻行。使之隨師。有惡病。使之事醫。不隨師則陷於刑。不事醫則疑於死。慈母雖愛。無益於援刑救死。則存子者非愛也。

是以明主以功輸之內。而以利資之外。是故國治而敵亂。即亂亡之道。臣憤則起外若眩。臣愛則起內若藥。民食果蓏蜂蛤。腥臊惡臭而傷害腸胃。民多疾病。有聖人作。鑽燧取火以化腥臊。而民說之。使王天下。號之曰燧人氏。

夫嬰兒不剔首則腹痛。首病不治。則加痛也。不擗漣則癢益。謂癢也。擗漣而剔首擗漣必一人抱之。慈母治之。然猶啼呼不止。嬰兒子不知犯其所小苦。致其所大利也。

呂氏春秋曰。肥肉厚酒。務以相彊。命之曰爛腸之食。老子曰。五味入口。口爽傷。故謂之爛腸之食也。

焉則曰。嘗治嗜酒人之病。諸證盡治。苦煩皆止。而猶未復。故正氣昏。如安睡。於是無術可施。無奈之何。果死則吐濁水數升矣。因悟飲過酒之人。若肥滿充盈。非肉而腫也。爾後漂酒客。顯症治而後用紫圓。必吐黑水濁水。蒸騰日甚而壯健日愈也。宜哉曰爛腸之食。

室大則多陰。臺高則多陽。多陰則癢。多陽則瘧。此陰陽不適之患也。是故先王不處大室。不爲高臺。味不衆珍。衣不煇熱。煇熱則理塞。理塞則氣不達。味衆珍則胃充。胃充則中大鞫。鞫。積日滿。不勝食。中大鞫而氣不達。以此長生可得乎。

焉則按蹙蹙。高誘註爲疾。非也。蹙蹙同蹙蹙也。蹙不能行也。室大則暗處多而蹙。臺高則蹙蹙而不能行。此正所禁陰陽不適之患也。

聖人深慮天下莫貴於生。夫耳目鼻口生之役也。耳雖欲聲。目雖欲色。鼻雖欲芬香。口雖欲滋味。害於生則止。在四官者。不欲利於生者。則弗爲。由此觀之。耳目鼻口不得擅行。必有所制。譬之若官職。不得擅爲。必有所制。此貴生之術也。

天生人而使其有食有欲欲有情情有節聖人修節以制欲故不通行其情也百病怒起云云

爲則曰是非疾醫之論也夫怒者非病情也病者非情毒也故因怒而毒動則病毒不動則雖怒不病天生陰陽寒暑燥濕四時之化萬物之變莫不爲利莫不爲害聖人察陰陽之宜辨萬物之利以便生故精神安平形而年壽得長焉長也者非短而續之也畢其數也

爲則曰順者利時逆者害時精神內守情欲外節則形性安形性安則壽命長

畢數之務在乎去害何謂去害大甘大酸大苦大辛大鹹五者克形則生害矣大喜大怒大憂大恐大哀五者接神則生害矣大寒大熱大燥大風大濕大霧大霧七者動情則生害矣故凡養生莫若知本知本則疾無由至矣爲則曰夫人生可入于形體內者飲食也而守節不過則無病壯健也失節太過則病生羸弱也而又其飲食不通利于二便則糟粕留滯于內爲穢物命之曰毒毒是即病也故疾醫爲萬物唯一毒而去其毒其毒以汗吐下而解去則諸病疾苦盡治焉扁鵲沒而後未曾聞有爲一毒治疾者宜哉漢諺有病而不服藥當中醫之譏矣

精氣之集也必有入也集於羽鳥與焉飛揚集於走獸與焉流行集於珠玉與焉精明集於樹木與焉茂長集於聖人與焉神明大也遠也精氣之來也因輕而揚之因走而行之因笑而良之因長而養之因智而明之流水不腐戶樞不蠹動也形氣亦然形不動則精不流精不流則氣鬱鬱則曰氣非可鬱精不流則氣鬱則爲腫焉風處耳則爲聾焉壅處目則爲瞶焉盲處鼻則爲欬焉窒處腹則爲脹焉府府能動處足則爲痿焉蹇輕水所多禿與癩人瘰癧重水所多黧也足與聾人甘水所多好與笑人辛水所多疽與痤人苦水所多疔與僂人僂疾也凡食無彊厚味無以烈味重酒是以謂之疾首疾之食能以時身必無災凡食之道無饑無飽是之謂五藏之葆也安口必甘味和精端容將之以神氣百節虔歡咸進受氣飲必小咽端直無戾今世上卜

筮禱祠。故疾病愈來。譬之若射者射而不中。反修於招。一作何益於中。夫以湯止沸。沸愈不止。去其火則止矣。故巫醫毒藥。逐除治之。故古之人賤之也。爲其末也。

爲則曰。夫疾者因情欲妄動。飲食過度。而毒生焉。聖人憂之。作禮以遠其害也。建男女之別。戒以色欲。建飲酒之禮。避以沈酗。建食餌之禮。節以飲食。從之則壽不生。病不至盡天數矣。蓋既壽生則病至。病至則以毒藥治之。其原率莫不由飲食情欲。故古之人賤之也。治病爲其末也。吾於是益知萬病唯一毒。退見扁鵲傳。扁鵲亦然。於是治萬病無違戾矣。

問曰。常無病而有好食河豚魚者。常有病而好食河豚魚者。而終俱不毒。或時俱食。而多病之人者不毒。無病之人者毒而死如何。

答曰。生死者我不知。於是藥之瞑眩可知也。毒動則瞑眩。疾乃瘳。弗動則弗瞑眩。弗瞑眩則疾乃弗瘳。今食河豚魚。瞑眩吐瀉而死。或吐血而死。死同矣。故謂死生不可知也。蓋死病有其輕。用大毒藥死。病者不瞑眩。瞑眩則疾乃瘳。以是大病用大毒。何爲束手俟斃也哉。

四月聚蓄百藥。糜草死。是救病而飲之以薑也。

文王癯疾五日。而地動。東南西北不出國郊。百吏皆請曰。臣聞地之動爲人主也。今王癯疾五日。而地動。四面不出周郊。羣臣皆恐曰。轉移之。文王曰。不可。夫天之見妖也。以罰有罪也。我必有罪。故天以此罰我也。今故與事動衆。以增國城。是重吾罪也。不可。文王曰。曷也。請改行重誓以移之。其可以免乎。於是植其種秩皮革。以交諸侯。飾其辭令幣帛。以禮豪士。頒其爵列等級田疇。以償羣臣。無幾何疾乃止。文王即位八年而地動。已動之後四十三年。凡文王立國五十一年而終。此文王之所以止殃期妖也。

若用藥者然。得良藥則活人。

中于病得惡藥則殺人。中于病得惡藥則殺人。中于病得惡藥則殺人。

若爲良藥。則兵之爲天下良藥也。亦大矣。

陽城胥渠處。廣門之官夜款門而謁曰。主君之臣胥渠有疾。醫教之曰。得白驪之肝。病則止。不得則死。謁者入通。董安于御於側。愠曰。諸胥渠也。期吾君驛。請即刑焉。簡子曰。夫殺人以活畜。不亦不仁乎。殺畜以活人。不亦仁乎。於是召庖人。殺白驪。取肝以與陽城胥渠。處無幾何。趙興兵而攻魏。廣門之官左七百人右七百人皆先登而獲甲者。人主其胡可以不好士。

人或曰。兔絲無根。兔絲非無根也。其根不屬也。茯苓是。慈石召鐵。或引之也。

爲則曰。是之謂論說之辭。

仁人之得飴。以養疾侍老也。跖與企足。企足。莊子得飴以開閉取機也。發蓋藏起大衆。地氣沮泄。是謂發天地之房。諸賢則死。民多疾疫。又隨以喪。命之曰暢月。齊王疾瘳。使人之宋迎文摯。文摯至。視王之疾。謂太子曰。王之疾必可已也。雖然。王疾已則必殺摯也。太子曰。何故。文摯對曰。非怒王疾不可治。怒王則摯必死。太子頓首。彊請曰。苟已王之疾。臣與臣之母。以死爭之於王。王必幸臣與臣之母。願先生之勿患也。文摯曰。諾。請以死爲王。與太子期。而將往。不當者三。齊王固已怒矣。文摯至。不解屣登牀。履王衣。問王之病。王怒而不與言。文摯因出辭。以重怒王。王叱而起。疾乃遂已。王大怒。不說。將生烹文摯。太子與王后急爭之。而不能得。果以鼎生烹文摯。葬之三日三夜。顏色不變。文摯曰。誠欲殺我。則胡不覆之以絕陰陽之氣。王使覆之。文摯乃死。夫忠於治世易。忠於濁世難。文摯非不知活王之疾而身獲死也。爲太子行難以成其義也。

爲則曰。是亦非疾醫之事。

樂正子春下堂而傷足。蹇而數月不出。猶有憂色。門人問之曰。夫子下堂而傷足。蹇而數月不出。猶有憂色。敢問其故。樂正子春曰。善乎而問之。吾聞之曾子。曾子聞之仲尼。父母全而生之。子全而歸之。不虧其身。不損其形。可謂孝矣。君子無行。咫步而忘之。余忘孝道。是以憂。故曰。身者非其私有也。嚴親之遺躬也。民之本教曰孝。其行孝曰養。養可能也。敬爲難。敬可能也。安爲難。安可能也。卒爲難。父母既沒。敬行其身。無遺父母惡名。可謂能終矣。



醫之若良醫。病萬變。藥亦萬變。病變而藥不變。衛之毒民。今爲殤子矣。

爲則曰。此語無實見而用。則爲迷亂之端也。實見何也。自爲而實得之。即是也。如陰陽之醫不然。以陰陽五行爲定則矣。彼陰陽五行者。天事也。不可爲人事之法則矣。病者人事也。以天事不可測度也。然而陰陽之醫。以此爲法則。故病證同。而師弟所見必異也。如疾醫以毒之所在處方。經若變則方隨變。乃扁鵲所謂病應見于大表是也。故病證同。則師弟所見必同。儒異非法也。夫病者毒也。治之方無它。去其毒而已矣。欲識以此方去此毒。自爲而後可知也。躬不親爲。而徒以師傳欲爲之。譬如長劍未嘗學人而期斷於錢鏃。豈可得乎。知毒之所在。處方而不知應見于大表。但處方欲治病。譬如刻於舟求劍。亦何可得乎。蓋視毒之所在。隨發其毒之經而處方。仍毒之所在如故。而經異於毒之所在。則因其異而異其方。是故苟無實見。書不可解也。人執謂之妄言。

曰。常之巫審於死生。能去苛病。猶尙可疑耶。管仲對曰。死生命也。苛病失也。君不任其命。守其本。而恃常之巫。彼將以此無不爲也。

爲則曰。失養生修身之節。則毒生。是卽病也。奚用巫哉。無益於病。反爲妖惑。宜哉。管仲之言乎。巫彭作醫。

凡人三百六十節。九竅五臟六腑。肌膚欲其比也。血脈欲其通也。筋骨欲其固也。心志欲其和也。精氣欲其行也。若此則病無所居。而惡無因生矣。病之留。惡之生也。精氣鬱也。故水鬱則爲汚。樹鬱則爲蠹。草鬱則爲蕪。國亦有鬱。主德不通。民欲不達。此國之鬱也。國鬱處久。則百惡並起。而萬災叢至矣。

今有良醫於此。治十人而起九人。所以求之萬也。故賢者之致功名也。比乎良醫。而君人者。不知疾求。豈不過乎。越之於吳也。譬若心腹之疾也。雖無作其傷。深而在內也。夫齊之於吳也。疥癬之病也。不苦其已也。且其無傷也。知不知上矣。過者之患。不知而自以爲知。物多類。然而不然。故亡國僇民無已。夫草有莠。獨食之則殺人。合而食之則益壽。萬薑不殺。漆皴水合兩罇。則蹇。涇之則爲乾金。柔錫柔合兩柔。則爲剛。燔之則爲燁。或涇而乾。或

燭而燭。類固不必可推知也。小方太方之類也。小馬大馬之類也。小智非大智之類也。魯人有公孫悼者。告人曰。我能起死人。人問其故。對曰。我固能治偏枯。今吾倍所以爲偏枯之藥。則可以起死人矣。物固有可以爲小。不可以爲大。可以爲半。不可以爲全者也。

爲則曰。余嘗繼父祖之業。既欲行之。無規矩準繩。以應傳之。固不可爲。於是乎廣尋醫之。可以爲規矩準繩者矣。而漢以降疾醫之道。熄而不炳。陰陽之醫。隆而不息。夫陰陽醫者。以五行爲規矩準繩。滔滔者天下皆是也。蓋陰陽五行者。造化之事。而非人事也。何爲以是爲人之疾病之法。則哉。嗚呼。甚矣我之愚。世咸爲之。我獨不能。唯忙忙然。如望大洋。無奈之何。已而奮發曰。書不言乎。學千古訓有獲。於是乎涉獵漢以上之書。至呂氏春秋。盡數難達二篇。拍節仰天而嘆曰。嗟。聖人之言。信而有徵。是治病之大本。夏又萬病唯一毒之樞機也。既已獲治病之大本爲一毒。則盡獲治之規則。嗟。是天乎。聖人乎。抑亦求之之誠乎。夫誠者。天之道也。誠之者。人之道也。故誠之外無天。誠之外無聖人。誠學之外無君子。夫誠者。不思而得。不勉而中。故求而不止。則自然得乎其身。是誠也。誠者。天之道也。敬天守天職者。人之道也。勉不思則有獲。有獲謂之有誠於身。誠者無賢愚一也。何憂我愚哉。唯誠學古訓。在乎獲之而已矣。

又曰。或問曰。藥從何起。答曰。萬事節。則國家治。身體修。百殃不起。故飲食起居。萬端慎節。惟養生最節第一也。史記三皇本紀曰。以緒縶縶草木。始嘗百草。始有醫藥。

爲則曰。以緒縶縶草木。聖人之事。無輪。然不可以爲訓。夫教者。教常人之事也。常人不能爲訓。非教也。因疑此世傳焉。且夫方也者。天下萬民之方。而非一人之所能製也。何則。用而有徵。然後爲方。苟不試而爲方。是臆耳。豈足爲方哉。爲則謹謂。蓋神農氏憂萬民之疾病之聖人也。故聚其方以備焉。孔子曰。周鑑於二代。邠邠平文哉。吾從周。方之雖聖人。不成於一人之手。可以知矣。今傳于世。神農本經。疑僞作也。

始皇本紀曰。使韓終侯公石生求仙人不死之藥。所不去者。醫藥。卜筮。種樹之書。

爲則曰。始皇求仙藥。雖百方終無有效。不足道耳。

高祖本紀曰。漢王傷胸。乃捫足曰。虜中吾指。漢王病創。臥。張良彊請漢王起行。勞軍以安士卒。毋令楚乘勝於漢。漢王出行軍。病甚。因馳入成軍。

高祖擊布時。爲流矢所中。行道病。病甚。呂后迎良醫。醫入見。高祖問醫。醫曰。病可治。於是高祖嬖罵之曰。吾以布衣持三尺劍取天下。此非天命乎。命乃在天。雖扁鵲何益。遂不使治病。

孝武本紀曰。天子病鼎湖。甚。巫醫無所不致。至不愈。游水發根。乃言曰。上郡有巫。病而鬼下之。上召置祠之甘泉。及病使人問神君。神君言曰。天子毋憂病。病少愈。強與我會甘泉。於是病愈。遂幸甘泉。病更已。大赦天下。置壽宮神君。

天地之道。寒暑不時則疾。

古者天地順而四時當。民有德而五穀昌。疾疫不作而無祲祥。此之謂大當。

趙世家曰。趙簡子疾。五日不知人。大夫皆懼。醫扁鵲視之。出。置安于間。扁鵲曰。血脈治也。而何怪。云云。

爲則曰。扁鵲之言可學焉。其它無論。語曰。不語怪力亂神。

留侯世家曰。毒藥苦口利於病。

爲則曰。毒藥家語又作夏藥。疑後人之僞入。史漢皆作毒藥。可從。

商君列傳曰。語有之矣。貌言華也。至言實也。苦言藥也。甘言疾也。夫子果肯終日正言。袂之藥也。蘇秦列傳曰。臣聞。飢人所以飢而不食烏喙者。爲其愈充腹而與餓死同患也。

扁鵲傳評

莊周有言曰。道爲天下裂。豈唯聖人之道而已。疾醫摧而陰陽醫作。陰陽醫破而神仙醫興。自扁鵲沒數千載于茲。道之云廢。茅塞極矣。悲夫。疾醫則扁鵲。陰陽醫則淳于意。神仙醫則葛洪。孫思邈。皆其遺也。而淳于葛孫

二家之爲方也。無益於治療。有害於古訓。獨有扁鵲氏耳。今之人非實辨三家者之異同而明解之。披荊棘而脫陷穽之厄。欲以身實彼周行。豈可得乎哉。周行也者。大道也。謂疾醫之道也。扁鵲傳中。言之與事不可屬諸疾醫。而屬諸疾醫者有之。可附諸陰陽醫。而不附諸陰陽醫者有之。是班固所謂疏略抵牾者邪。太史公素不知扁鵲之爲。與淳于意相反。粗謂無大逕庭。方其撰傳。唯採舊記書序列之耳。未遑是正。至若孔長桑君之藥。卜趙簡子之夢。即太史公豈不知之。贅說也。願欲傳其信。故可信者存焉。疑者亦存焉。是其所以馳騁古今。上下數千載之間。而該博浩大也。乃班之咕囁反響。又庸傷乎。雖然。信信剖析真僞。而後傳可續道可明也。學者思諸。自扁鵲者。至爲名耳。爲第一段。長桑君事妄誕固不足信矣。若曰飲彼懷中藥。因得以聖于醫。則今之人非遇神人。不可得而爲扁鵲耶。孔子曰。道不遠人。人之爲道而遠人。不可以爲道。又曰。夫婦之愚。可以與知焉。及其至也。雖聖人亦有所不知焉。夫婦之不肖。可以能行焉。及其至也。雖聖人亦有所不能焉。即扁鵲聖于醫。亦學而至焉耳。何用戀戀願念神人爲。自爲醫至四萬畝。爲第二段。趙簡子事亦點綴。孟子所謂齊東野人之語。自其後至使起耳。爲第三段。中庶子之言。即陰陽醫之言。宜哉扁鵲不取也。切脈望色。聽聲審形。是素問所重。望問聞切之四術也。乃扁鵲則曰不俟四者。言病之所在。可見素問之說。不與扁鵲相吻合。竝與聞病之陽。論得其陰。聞病之陰。論得其陽。及病應見於大表。皆疾醫之古訓。而扁鵲之所以聖于醫也。其說疾醫之道。至矣盡矣。莫以尙焉。乃今之人。不古訓是依。而欲直爲扁鵲。多見其不知量也。何謂病之所爲陰陽。及見于大表。人告我以顯於外者。我乃診得伏于內者。人告我以伏於內者。我乃診得顯於外者。陰陽兩得之。隨證理劑。則其於已病。猶承蜩也。但論得語。疑非疾醫辭氣。診論相似。無乃有文字訛謬乎。尸登說。亦陰陽醫之言。竝與治方皆不足信矣。至曰越人非能生死人也。此自當生者。越人能使之起耳。何其言之愚歎也。乃葛孫之徒。真人自待。復以長生可致。何其言之詐誕也。自扁鵲至侯送死。爲第四段。亦實齊東野人之語。自聖人至難治也。爲第五段。蓋記者因事立論。以輒喻垂戒也。秦漢文每多此例。人之所病病疾多而醫之所病病道少。是必古語。

何則。病狀之爲變也。其麗弗億。莫有底止。苟非知所以爲毒也。一則其於已病。猶拾遺也。古之人或觀於醫。乏承蜩之術。人抱拾遺之憂。因發此歎也。病有六不治。第四之不治說。亦必陰陽醫之言也。自扁鵲至扁鵲也。亦爲一小段。按周官醫科有四。食醫也。疾醫也。瘍醫也。獸醫也。夫瘰癧帶下。瘰癧小兒。瘰癧耳目瘰。是皆關疾醫手者。豈可區別。而後世立科名家。沾沾自矜。至相謂曰。某疾吾長於瘰之。某疾彼長於瘰之。各得扁鵲一體。夫隨俗爲變。自稱其科。淳于意猶所不屑也。而況扁鵲乎。道聽塗說。實據公論。卑卑陋識。職此之由。不可不熟。凡五段中。間疏略。

## 續扁鵲之傳

正義曰。秦越人與軒轅時扁鵲相類。乃號之曰扁鵲。又家於盧。因命之曰盧醫也。自扁鵲者。至以診脈爲名耳。一段。記姓名出處。世傳也。長桑君之事。不足信矣。以言飲神人之禁方。而眼目瞭然。果然則不過於神人則不成。遇神人則不學而可至。豈可尋信扁鵲哉。夫大道者無賢愚。學而可行。唯賢者特論於大。愚者亦論於小。故謂大道也。扁鵲可學。若不可學。則非所以稱古今名醫也。自爲醫至田四萬敵二段。亦世傳也。自其後扁鵲至越人。能使之起耳三段。中庶子所謂皆盡陰陽醫之論也。故扁鵲不取。自扁鵲仰天歎曰。至尙溫也。又一段。是越人之真言。末代醫家之龜鑑也。學之在茲。思之在茲。得之在茲。教之在茲。微此傳疾醫之道。永捐拂地。是太史公之賜也。偉哉太史公之有功于醫。夫切脈望色。聽聲察形者。素問所謂望聞問切之四。知而不得之。則不可爲醫也。而扁鵲不俟之。言病之所在。則素難與扁鵲醫道之異。可以見已。所謂病之所在者。病毒也。聞病之陽。陽者顯也。聞病之陰。陰者隱也。聞病之顯證。搜索而知其陰毒也。譬如聞下利膿血。聞病之隱證。搜索而知其陽毒也。譬如聞煩躁之隱。此語漢以降誤解。其故何也。疾醫道廢。而陰陽醫舉焉。扁鵲者疾醫也。以疾醫之語。陰陽之醫解之。故多牽強。且無益于實事也。病應見於大表。是古今治法之異則也。非見于大表。則何以傳人。如陰陽醫則不見于大表。理以推其因。理者無有定軌。故見一病人。而師弟

然以見于大表。定治方。故師弟無異。有規矩準繩也。自扁鵲曰若太子太子文少異。故也。又一段。世傳疑非疾醫之語。且其方不傳。自故天下至能使之起耳。是又扁鵲之真言也。以是爲古今之名醫可以見矣。自扁鵲過齊至桓侯遂死裴顯云。謂是齊侯田和之子。桓公午也。韓非子齊作蔡。四段。世傳疑非疾醫之事也。自使聖人預知微。至言脈者由扁鵲也。五段是疑太史公之言。因桓公之言太史公教戒於人也。人之所病病疾多。而醫之所病病道少。是太史公不知疾醫。故有此歎邪。嗚呼。疾醫之煙滅亦已尙矣。夫疾醫者視萬物唯爲一毒。故雖病千狀萬怪。其治之。見毒之所在而去其毒。則皆治。未嘗見不治者也。六不治之內。陰陽並。藏氣不定。四不治也。是司馬遷所以不知疾醫也。以扁鵲爲帶下醫。爲耳目醫。爲癰醫。爲小兒醫。分科之誤。不足深尤也。

### 扁鵲傳總論

古今評史記漢書者。曰。傳之法以爲漢書優史記。故史記廢而不行尙矣。以余觀之。史記何劣漢書乎。虛實並存。不妄用舍。唯世傳謹記。是傳之法也。班固者。察虛實加用舍。又從是非之。此非傳法也。蓋太史公謂。醫者主於脈。故始終以脈爲文。雖然有一齟齬者。人之所諱。太史公豈不之知哉。知而書之。傳法也。儻哉。若微此傳。吾儻小人。千載之後。得知扁鵲乎。可貴可仰。其所以時有齟齬者。非醫也。古者醫有四。而太史公不之知。故扁鵲與倉公爲一傳。且以淳于氏之言。爲醫之正路。書於扁鵲之傳。以脈爲始終貫接。其中間插入越人之爲方也。不待切脈言病之所在之事。是非夫所謂文之齟齬乎。然不用取舍。唯事實謹記。傳之法也。假使太史公妄用取舍。則必去此語。則後世由何知扁鵲乎。偉哉太史公。行文之法奇而正慎之至也。固非諸子所企及也。

### 卷二

#### 太倉公傳

此傳總分四段。自太倉公至喜醫方術。第一段。記淳于氏之出處也。自高后至多怨之者。第二段。記愛陽慶老

人之法也。言黃帝扁鵲之服書五色診病。此書今不傳。然爲則考索其跡。淳于意之術。蓋陰陽醫而非疾醫。故其傳中往往失醫道。宜矣其所刑罪。自文帝四年至除肉刑法第三段。記淳于意坐法當刑。少女提禁教違教刑也。自意家居至三十九歲也。第四段。記治療傳書循業對問也。其論亦率非疾醫之論。又言有服書上下經五色診奇咳術。按度陰陽外變藥論石神接陰陽禁書。亦不傳也。奇咳。正義云奇爲奇經入脈也。奇經疾醫不取矣。奇咳有說種種。要亦皆陰陽之說。非疾醫之事。所謂不知而作說之類也。

以下醫案二十九條評。

齊侍御史成之條。

爲則曰。淳于意以謂疽也。考病名其說應而非。時之事故不取也。扁鵲之法。視毒之所在。治之則病名不知不言而可也。成之病如太倉公之言。期而死。傷耳耳。夫知死期病者與。醫者無益。徒邀名利己。名利者諸道固可轉之而學之。何不思之甚。五臟六腑十二經絡脈法之事。陰陽醫之事。疾醫不取。詳見于扁鵲傳。可考。

齊王中子之條。

爲則曰。此病因之輪。皆應也。下氣湯方不傳。惜哉。言治功。則其方或可用矣。然以方命推知其爲陰陽醫之方也。夫氣者天地造化之司。而非人之司也。何以毒藥得下氣哉。唯以毒藥去病毒。則無留滯。而氣自升降也。何以毒藥得升降於氣。其誤可知。

齊郎中令循之條。

爲則曰。淳于意以謂湧疽也。中下熱而湧。故名湧疽。其治以中下熱爲本與。以內爲本與。此治難解。且用火齊湯。火齊湯者。劉河間曰。所謂黃連解毒湯也。劉氏由何言之。其出處不可知。故亡論。然言用之則必大便利。因知其方中必有大黃之輩。然則淳于意所論與藥齊異矣。而藥乃有功焉。是淳于氏暗投冥行。而功建。乃不知不識暗合扁鵲之則也。學者思諸。

齊中御府長信之條。

爲則曰。此病論。陰陽醫之論。而非疾醫之論也。夫疾醫不拘寒熱。苟欲從寒熱。則不能不建藥之寒熱。且視本單一味寒熱之論。人人異而不一。臆也。今用之。從曰寒與。從曰熱與。擇而不能取。又擇而不能舍。寧亦從我好惡。豈非臆而何。取其臆而爲治法。奚治之有。於是親自正之。果無微焉。所謂靜言庸遠也。吾黨不用焉。又曰。淳于氏以入水中爲病因。是亦臆也。信冬日墮水中。而病與不病無它。因其毒之有無也。宜哉。屬鵠視毒之所在爲治。

又曰。淳于氏因入水中言熱病言暑汗。而以火齊湯藥治之。以是雖陰陽醫。不拘於因。則其治可知。

齊王太后之條。

爲則曰。淳于意曰。風痺客勝。又曰。病得之流汗出。又曰。風氣是瘰。流汗出。瘰。風氣乎。蓋以火齊湯。如劉氏之說。則論與藥違矣。而有功矣。是非有淳于氏之功。而藥之有功也。凡以脈論疾。疾醫不爲。見扁鵲之傳。足以知矣。

齊章武里曹山跗之條。

爲則曰。此亦陰陽醫服論。疾醫不取。然言形弊者。不當關灸鑱石及飲毒藥者。是也。形弊者。蓋言精虛。古語曰。攻病以毒藥。養病以穀肉菜。古昔雖陰陽醫。虛者不用毒藥。鍼灸亦可以見。

齊中尉潘滿如之條。

爲則曰。此亦陰陽醫之論。於疾醫無益。其曰卒然合合也。是脾氣也。此合者。乃素問所謂五臟六腑之合也。而試之治療無效。學者詳諸。

陽虛侯之相趙章之條。

爲則曰。太倉公曰。病得之酒。又曰。是內風氣也。是以酒爲主爲治乎。以風爲主爲治乎。此兩端不可辨。凡病論



之無益。可以知矣。唯安穀者過期。是也。可見古人以穀肉養之。未嘗以毒藥養之矣。又曰。皆爲前分界法之句。不可解。

齊北王之條。

爲則曰。此論亦陰陽醫之論。非疾醫屬諸等之所論也。藥酒方後世不傳。漬水。字書曰手足濕也。

齊北宮司空命婦出於也名之條。

爲則曰。固亦非疾醫之論。其論病因。畢竟臆見。太倉公以火齊湯藥治氣血。與它例不合。

故齊北王阿母索隱曰。阿母也。服虔曰。乳母也。之條。

爲則曰。導于意以謂。女子豎之病熱厥也。刺法可試。病者與醫者無益。徒論病而無治方。皆贅言也。

齊中大夫之條。

爲則曰。顛也。柯也。齒後世有蟲齧之說。疾醫不拘。視毒之所在。去其毒。則齒固而不痛。乃後世血蟲之論誤也。不可

從矣。苦參湯出於千金方之方乎。病因或曰風。或曰臥開口。或曰食而不嗽。將從何治之。太倉公之論。摸稜乎。蓋臆也。

舊川王笑人之條。

爲則曰。導于氏不言全證。唯言不乳。因用黃蘗湯。是爲後世所謂催生而用之。導于氏實不知道。何則。藥皆毒而攻病之具也。妊娠天性而似人事。非人事也。又似病非病也。毒藥不可用也。明矣。大抵產前後以人事不可揣摩。唯任自然。則無難產之憂。本草中間論墮胎之藥。是食醫疾醫相混。誤矣。今妊娠十月中。有病而用大毒藥。病乃愈。未曾見有一人墮胎者。誠哉。古語曰。有故無損。又無損。太倉公曰。服墮胎者有餘病。即飲以消石一齊。夫以脈輸病。疾醫不取。然今有堅塊。則用消石。消石乃有效。此笑人乃然。言出血。則因塊用之明矣。雖導于氏不知疾醫之道。不拘其產後。視其可用。乃用消石。亦非後世陰陽醫之所可企望。

齊丞相舍人奴之條

爲則曰。望色主病。且其論以五藏相生相克之理。而言死期。反不言治法。病者與醫者無益。唯名利耳。奚學之有。

菑川王之條。

爲則曰。凡此病論。盡非疾醫之論。故不足評。唯此上衝之治法。以寒水拊其頭。是可爲後世用。纓布溫筋也。

齊王黃姬兄黃長卿之條。

爲則曰。此病與治法皆難信。言病得之好持重。縱令好持重大甚。無毒之人決不病。自重何關於要。是不應則妄也。又言要以下者枯四分所。是毒也。無毒奚枯。又言柔湯。疾醫不言剛柔之齊。

濟北王侍者韓女之條。

爲則曰。此論以天事混人事。誤也。月事者天事也。月月不違。故一曰月經。其月經或違者。以有毒也。去其毒。則如天性月事來何。今不知月事之故。安知有治法之藥哉。一曰內寒。一曰欲得男子而不可得。是應也。而不論其治法。是謂之舌言。竄藥方不傳。

臨淄汜里女子薄吾之條。

爲則曰。淳于氏以謂螻蛄。正義曰。人夫腹大之因。證用芫華。是疾醫之法。故有功矣。其他病因曰威威然。威威然。腹中短蟲。一作秦。秦謂螻蛄。首言髮如螻蛄事。蓋近也。又曰中藏無邪氣。及重病。以藏府論疾者。皆應也。疾醫不論。爲則又曰。重病不可解也。邪毒之外無病。無病則色澤。是必然矣。

齊淳于司馬之條。

爲則曰。太倉公以謂當病迴風。是非疾醫之論。雖後如其言不取。夫飽食而疾走。不病迴風者甚多矣。無它。病與不病者。由毒之有無也。陰陽醫不知此義。以應論病。疾醫不然。視毒之所在。治其毒。故不言病之所因。

齊中郎破石之條。

爲則曰。淳于氏以謂得之墮馬僵石上。卽是墜墮之病也。以脈論之。不關墮馬。可知也。師言曰。病者安穀卽過期。古人貴穀誠然。又曰。陽處陰處可從病者之好矣。死之逆順。固不足論。

齊王侍醫遂之條。

爲則曰。五石煉丹。疑是服食家之方也。中熱所謂中暑也。中寒所謂傷寒也。扁鵲之論。疑亦僞作。疾醫不論石之陰陽也。又曰。邪氣辟矣。而宛氣愈深。爲則云。邪之外。奚有宛。宜哉。淳于意自謂。時時失之。以應欲不失。豈可得乎。

齊王故爲陽虛候時之條。

爲則曰。此殆暗合扁鵲所謂視病之所在。故有功矣。爲則又曰。病得之內。是論與方異矣。故其所主不可知也。於是太倉公之論不可爲教也明矣。

診安陽武都里成開方之條。

爲則曰。淳于氏曰。瘡卽死。瘡而未死也。是陰陽醫之論。假令剗膚腹內。而遂五藏六府不可見理以推之。脈以爲法。宜哉其違。

安陵阪里公乘項處之條。

爲則曰。牡疝病名。非疾醫之名。其餘臆而不足論。

問臣意所診治病之條。

爲則曰。夫度量規矩權衡繩墨皆器。而雖愚夫愚婦可知。若愚夫愚婦不可知。私而非公。公者天下之規矩。而私者不可以爲公也。彼太倉公以陰陽脈理。配天地人。以別百病。此時變陰陽彷彿脈理以爲規矩。故太倉公時時失之。況乎其生徒不可學也明矣。如扁鵲疾醫不然。不俟切脈。視毒之所在。隨證處方。雖生徒莫不然矣。

又曰。周禮疾醫有焉。陰陽醫無焉。古人不用亦可知矣。又曰。病名多相類。以脈別之。病名何益之有。  
問臣意曰。所期病之條。

焉則曰。死生本不應期。依飲食喜怒。則輸死生期無益。唯慎戒飲食喜怒。是病家養生最第一義也。

問臣意意方能知病死生之條。

焉則曰。太倉公云。臣意家貧。欲爲人治病。以是知太倉公失爲醫之心也。夫醫者不拘貧富。視病人則如己病之。何拘乎貧富之間。

問臣意知文王之條。

焉則曰。夫精不可藥。殆乃然。蓋本草不知此。藥皆毒。何養精之藥之有。蓄精喘。頭痛。目不明之證。吾未見焉。當慎診之。勿過而可也。太倉公曰。氣者當調飲食。云云。此輸後世醫家之龜鑑。然夫氣者無形。故非鍼藥所治。且本草養氣藥人參之類皆誤矣。

問臣意師慶之條。

焉則曰。無病輸故不評。

問臣意曰。吏民之條。

焉則曰。是亦陰陽醫之輸。故不評。

問臣意診病之條。

焉則曰。於是乎淳于意與扁鵲。醫道之異。益可知也。

太史公曰。

焉則曰。太史公言。若倉公者可謂近之矣。過也。淳于意既失醫心。而用毒殺之。藥得其罪。奚近之有。扁鵲爲李氏雖所殺。非其罪也。淳于意雖免刑。其罪也。悲哉。

淮南子曰。夫喜怒者。道之邪也。憂悲者。德之失也。好憎者。心之過也。嗜欲者。性之累也。人大怒破陰。大喜墮陽。薄氣發瘡。驚怖爲狂。憂悲多患。病乃成。積好憎。繁多。禍乃相隨。

焉則曰此病論非疾醫之義

昔公牛哀轉病也。七日化爲虎。公牛氏韓人。轉病易病也。紅羅之間公牛氏有易病。化爲虎。若中國有復化爲人。其兄掩戶而入。覩之則虎。搏而殺之云云。是故形傷于寒暑燥濕之虛者。形狃而神壯。神傷乎喜怒思慮之患者。神盡而形有餘。

焉則曰是非疾醫之論也如易病造化之事以人事不可論也孔子曰不語怪力亂神

凍者假寒衣于春而喝者望冷風於秋夫有病於內者必有色於外矣夫梓木色青黯而羸瘠蜩曉此皆拍目之藥也云云形骸而神泄故不免於虛

爲則曰梓木蝸牛治目之藥可試註虛爲疾不合古訓誤也

養生以經世抱德以終年可能體道矣若然者血脈無凝滯五臟無虧氣

五月爲小刑。齊麥亭歷枯。

山氣多男。澤氣多女。障氣多瘡。風氣多蠱。林氣多癰。木氣多偏。岸下氣多腫。石氣多力。險阻氣多癰。暑氣多天瘧。氣多壽。谷氣多癰。丘氣多狂。衍者爲衍。氣多仁。陵氣多貪。輕土多利。重土多邊。

爲則曰。因多而言之。則可矣。以理而論之。則甚不可矣。若理以論之。則是謂之以造化偶人事。必所以絕聖人之道也。吾黨小子。慎勿言焉。

立夏日聚百藥

得失之度。探微竊冥。難以知論。不可以辭說也。何以知其然。今夫地黃主屬骨而甘草主生肉之藥也。以其屬骨實其生肉。以其生肉。輸其屬骨。是猶王孫綽之欲倍僂枯之藥。而以生瘵死之人。亦可謂失論矣。譬若罪情不死。

之藥於西王母。嫦娥竊以奔月。悵然有喪。無以續之。何則。不知不死之藥所由生。一月而膏。二月而跌。

焉則曰。此論在于管子及文子。大同少異。各不一定。皆論說之辭也。論說之辭。不可用於事實。況於病乎。故疾醫不取。

真人之所辦。若吹呴呼吸吐。故內新。熊經鳥伸。鳧浴鰲躍。臨視虎顧。是養形人也。

天下之物。莫凶於雞毒。然而良醫棄而藏之。有所用也。

物莫所不用。天雄烏喙。藥之凶毒也。良醫以活人。

焉則曰。後世以烏頭附子爲別物。誤也。詳辨于藥徵。故今不贅。

聖王以治民。達父以治馬。醫駱以治病。同材而各自取焉。

嘗之而無味。視之而無形。不可傳於人。大戟去水。寧瀝俞張。用之不節。乃反病。物多類之而非。

鉗且得道。以處崑崙。屬請以治病。

老子曰。知而不知。尙矣。不知而知病也。

目中有疵。不害於視。不可灼也。喉中有病。無害於息。不可擊也。

夫亂人者。芎藭之與薑本也。蛇牀之與麋蕪也。此皆相似者。

夫戶牖者。風氣之所從往來。而風氣者。陰陽相換者也。離者必病。

焉則曰。是亦非疾醫之說。

以義爲制者。心也。割瘰癧。非不痛也。飲毒藥。非不苦也。然而爲之者。便於身也。渴而飲水。非不快也。饑而大飧。非不贍也。然而弗爲者。害於性也。此四者。耳目鼻口。不所取去。心爲之制。各得其所。良醫者。常治無病之病。故無病。

爲則曰。治無病之病。疾醫能治也。陰陽醫雖論之。應而無徵焉。  
人二氣則成病。

爲則曰。二氣。註曰。邪氣干正氣。故成病。邪氣者毒也。無毒則一氣。故不病。  
千年之松。下有茯苓。上有兔絲。  
好方非醫也。

治疽不擇善惡醜肉。而竝割之。云云。用智如此。豈足高乎。

寒不能生寒。熱不能生熱。不寒不熱。能生寒熱。

病者癢席。醫之用針石。巫之用糝藉。所救鈞也。狸頭愈鼠。雞頭水中已壞。豈散積血。劉木愈顛。此類之推者也。

爲則曰。凡物試而後可決其能之是非也。若因蜚蟲吮血。言散積血之類。則應而無徵矣。本草此類甚多。故辨之。

爲醫之不能自治其病。病而不就藥。則勑矣。

與死者同病。難爲夏醫。

爲則曰。譬喻而非疾醫之辭。

人食蠶石而死。蠶食之而不饑。魚食巴菽而死。鼠食之而肥。類不可必推。

蠅象之病。人之寶也。人之病將有誰寶之者乎。

病熱而強之餐。救渴而飲之寒。救經而引其索。拯溺而授之石。欲救之反爲惡云云。茯苓掘。兔絲死。

蝮蛇蟄人。傳以和薑野薑則愈。

憂文疾者子。治之者醫。

是故人皆輕小害易徵事。以多悔。患至而後憂之。是由病者已倦也。倦劇而索夏醫也。雖有扁鵲俞跗之巧。猶不能

生也。夫禍之來也。人自生。福之來也。人自成之。禍與福同門。利與害爲隣。

病疽將死。謂其子曰云云。衆人皆知利利而病病也。唯聖人知病之爲利。知利之爲病也。夫病溫而強之食。病明而飲之寒。此衆人之爲害也。而良醫之所以爲病也。

冬日則寒凍。夏日則暑傷。

爲則曰。是亦非疾醫之論也。夫寒暑不病於人人。因寒暑毒動而病。無毒雖逢大寒大暑而不病。醫者思之。夫積愛成福。積怨成禍。若癰疽之必潰也。所燒者多矣。

癰疽發於指。其痛過於體。故蠹啄剖梁柱。蠹蚤走牛羊。此之謂也。人皆務於救患之備。而莫能知使患無生。知天之所爲。知人之所行。則有以任於世矣。知天而不知人。則無以與俗交。知人而不知天。則無以與道遊。單豹倍世離俗。巖居谷飲。不衣絲麻。不食五穀。行年七十。猶有童子之顏色。卒而遇飢虎。殺而食之。張毅好恭。過宮室廊廟必趨。見門閭聚衆必下。廝徒馬園皆與仇讎。然不終其壽。內熱而死。豹養其內。而虎食其外。毅脩其外。而疾攻其內。故直意適情。則堅強賊之。以身役物。則陰陽食之。此皆載務而戲乎其調者也。得道之士。外化而內不化。外化所以入人也。內不化所以全身也。故內有一定之操。而外能屈伸羸縮。卷舒與物推移。故萬羣而不陷。所以貴聖人者。以其能龍變也。

古者民茹草飲水。采樹木之實。食羶醢之肉。時多疾病毒傷之害。於是神農乃始教民播種五穀。相土地宜。燥濕肥瘠高下。嘗百草之滋味。水泉之甘苦。令民知所避就。當此之時。一日而遇七十毒。

爲則曰。易曰。夫大人者。與天地合其德。與日月合其明。蓋天地不可測。聖人亦難識。然故聖人之事。措而不輪。輪而可學。其唯法乎。孔子曰。非先王之法言。不敢道。非先王之德行。不敢行。夫先王安道理以輪此事。理者無定準。故人人隔異矣。以其隔異之理。輪其不測之聖人。其何有益。且不知分其大焉。蓋學于古訓有獲。而我善知而言之。我善得而行之。則言行盡微。所不知者。日明一日。故孔子曰。由誨女知之乎。知之爲知之。不知爲不



知是知也。

以調陰陽之氣。以和四時之節。以辟疾病之害。

神清志平。百節皆寧。養性之本也。肥肌膚。充腸腹。供嗜欲。養性之末也。所以貴屬麟者。非貴其隨病而調藥。貴其慮脈血知病之所從生也。

爲則曰。是不知疾醫之道而言之。學者思諸。

既瘖且聾。人道不通。故有瘖聾之病者。雖破家求醫。不顧其費。豈獨形骸有瘖聾哉。心志亦有之。夫指之拘也。莫不事由也。心之塞也。莫知務通也。不明於類也。

儀狄爲酒。禹飲而甘之。遂疏儀狄。而絕嗜酒。所以過流愼之行也。

爲則曰。聖人戒嗜酒之害如此。故飲酒之禮。不能守之。非聖人之徒也。且過飲者多有水病。死則多吐血。或吐瀉水。宜哉曰。爛腸之食。

列子曰。天積氣耳。

爲則曰。大抵老子莊子列子之語。往往譬喻寓言。而非疾醫之語。蓋列子云。天積氣耳是也。夫君子行而言。不能行則不言。且人不可到天。不可到而論之。虛論也。氣本無形。無形則不可積。今日積氣。非寓言而何。後世見積塊。妄謂積氣。是不可言而言之。不可言而言之。則事不成。故後世家曰。積氣不治。奚有不治之病。哉。是名之誤也。何則。氣者天之司也。以人事不可治矣。吾黨後世所謂積氣者。爲積毒而治之。未曾見不治也。今依有積氣之字。正病名之誤矣。學者思諸。

研捷無傷痛。指捷無疳癰。

爲則曰。是亦非疾醫之論。

夫醉者之墜於車也。雖疾不死。骨節與人同。而犯害與人異。其神全也云云。今昉知子黨之疑我。我內藏猜慮。外

矜觀聽。追幸昔日之不焦爛也。怛然內熱。惕然震悸矣。水火豈復可近哉。自此之後。范氏門徒。路過乞兒。屬醫弗敢尋也。必下車而揖之。

爲則曰。是竝非疾醫之論。

百骸大藏。悍而不礙。

宋陽里華子中年病忘。朝取而夕忘。云云。非藥石之所攻。云云。而積年之疾。一朝都除。

秦人逢氏有子。少而惠。及壯而有迷罔之疾。

乃不知是我七孔四支之所覺。心腹六藏之所知。其自知而已矣。

龍叔謂文舉曰。子之術微矣。吾有疾。子能已乎。文舉曰。唯命所聽。云云。非吾淺術所能已也。

吳楚之國有大木焉。其名爲櫟。碧樹而冬生。實丹而味酸。食其皮汁。已憤厥之疾。氣疾也。齊州珍之。渡淮而北。化爲枳橘。

枳橘。

爲則曰。此注誤矣。氣非病也。病者毒也。憤厥之病。聚毒於心胸。以櫟皮汁治之。古方胸痹用櫟皮湯。可以徵矣。

魯公扈趙齊嬰二人有疾。同請扁鵲求治。扁鵲治之。既同愈。謂公扈齊嬰曰。汝曩之所疾。自外而干府藏者。因藥

石之所已。今有偕生之疾。與體偕長。今爲汝攻之。何如。二人曰。願先聞其驗。扁鵲謂公扈曰。汝志彊而氣弱。故足

於謀而寡於斷。齊嬰志弱而氣彊。故少於慮而傷於專。若換汝之心。則均於善矣。扁鵲遂飲二人毒酒。迷死三日。

剖胸探心。易而置之。投以神藥。既悟如初。二人辭歸。於是公扈反齊嬰之室。而有其妻子。妻子弗識。齊嬰亦反公

扈之室。有其妻子。妻子亦弗識。二室因相與訟。求辨於扁鵲。扁鵲辨其所由。訟乃已。

爲則曰。此論疑亦列子之寓言。其曰自外而干府藏者。因藥石之所已者。就是故辨明焉。夫人者以人道。而不

以天道。是聖人之道也。蓋治天下以一於衆心爲歸要。然人心不同而同於一。是天命也。以人事不可爲一也。

故有易者。任以天命。委以鬼神。一於衆心。孔子雖聖人。不開天下之致。故其能無所施用。雖不施用於天下之

政亦不可舍。因作十翼傳之。夫天命自然之心。以人事不可換也明矣。疾醫亦然。夫風寒暑濕燥火之六氣者。天之正令也。五藏六府者。造化之所爲也。以人事不可測也。醫之所爲。因人事所生之毒。除其毒而已矣。苟去此毒。則百疾皆治焉。藥石之所已者。不在毒生之後。則無可治者。可以知耳。

季梁得疾。七日大漸。其子環而泣之。請醫。云云。

爲則曰。是亦非疾醫之輪。意者列子托名而言之。

身體偏枯。手足胼胝。

一朝處以柔毛絺絮。薦以梁肉蘭橘。心痛體煩。內熱生病矣。

遂適田氏之廐。從馬醫。作役而假。郭中人戲之曰。從馬醫而食。不已辱乎。乞兒曰。天下之辱。莫過於乞。乞猶不辱。

豈辱馬醫哉。

老子曰。知不知上。不知知病。夫唯病病。是以不病。聖人不病。以其病病。是以不病。

莊子曰。且吾嘗試問乎。女民羸瘦。則腰疾偏死。雖然乎哉。

夫子曰。治國去之。亂國就之。醫門多疾。願以所聞。思其則庶幾其國有瘳乎。

與人有痔病者。不可以適河。云云。上有大役。則支離。以有常疾。不受功上。與病者聚。則受三鍾與十束薪。

子與有病。子祀往問之。曰。偉哉。夫造物者。將以予爲此拘拘也。曲僂發背。上有五管。頤隱於齊。肩高於項。勾贅指

天。陰陽之氣。有診。其心閒而無事。跼蹐而鑑於井曰。嗟乎。夫造物者。又將以予爲此拘拘也。

彼以生爲附贅縣疣。以死爲決疣潰膿。

子與曰。子桑殆病矣。裹飯而往食之。云云。

公反談詒焉。病數日不出。云云。當之則爲病。

汝得全而形軀。具有九竅。無中道夭於蠻貊。蹶蹶。而比於人數。亦幸矣。又何暇乎天之怨哉。

南榮幾曰。里人有病。里人問之。病者能言其病。然其病病者猶未病也。若越之聞大道。譬猶飲藥以加病也。云云。君將盈嗜欲長好惡。則性命之情病矣。君將黜嗜欲擊好惡。則耳目病矣。

夫神者好和而惡姦。夫姦病也。故勞之。唯君所病之。何也。

子適有瞽病。有長者教予曰。若乘日之車。而遊於襄城野。今予病少瘳。予又且復遊於六合之外。夫爲天下亦若此而已。予又奚事焉。

古之真人。得之也生。失之也死。得之也死。失之也生。藥也。其實蘊也。川枯梗也。難癰也。雞豕零也。是時爲帝者也。何可勝言。

發不擇所出。痼疽疥癰。內熱溲膏。是也。

莫爲盜。莫爲殺人。榮辱立。然後觀所病。貨財聚。然後觀所爭。今立人之所病。聚人之所爭。窮困人之身。使無休時。欲無至此得乎。

靜然可以補病。皆臧可以休老。

子州支父曰。以我爲天子。猶之可。雖然我適有幽憂之病。方且治之。未暇治天下也。夫天下至重也。而不以害其生。又況他物乎。唯無以天下爲者。可以託天下也。

子貢曰。嘻。先生何病。原憲應之曰。憲聞之。無財謂之貧。學而不能行。謂之病。今憲貧也。非病也。子貢遽巡而有愧色。原憲笑曰。夫希世而行。比周而友。學以爲人。教以爲己。仁義之隱。與馬之飾。憲不忍爲也。

爲則曰。韓子外傳等書。大同小異。今不枚舉。

丘所謂無病而自灸也。疾走料虎頭。編虎須。幾不免虎口哉。

先生既來。曾不發藥乎。曰已矣。吾固告汝曰。人將保汝。果保汝矣。非汝能使人保汝。而汝不能使人無保汝也。而爲用之。感豫出異也。

秦王有病。召醫破癰潰瘡者。得車一乘。舐痔者得車五乘。所治愈下。得車愈多。子豈始其痔邪。何得車之多也。子行矣。

爲則曰。老子列子莊子諸書。雖間謂病。率盡譬喻。非疾醫之義。

靈鑑論曰。然猶人之病。水益水而疾深。知其爲秦開帝業。不知其爲秦致亡道也。云云。故扁鵲不能肉白骨。微笑不能存亡國也。

爲則曰。死生存亡者天命也。故雖扁鵲俞跗微子箕子。不能救矣。蓋因病毒而死。及不仁不義而亡者。固非天命也。治之以法。及脩身以道。而死亡者。天命也。

扁鵲撫患脈。而知疾所由生。陽氣盛則損之而調陰。陰氣盛則損之而調陽。是以氣脈調和。而邪氣無所留矣。夫拙醫不知脈理之腠血氣之分。妄刺而無益於疾。傷肌膚而已矣。今欲損有餘補不足。害者愈害。貧者愈病矣。嚴法任刑。欲以禁暴止姦。而姦猶不止。意者非扁鵲之用鍼石。故衆人未得其職也。

爲則曰。嘻。漢儒既不知扁鵲之爲疾醫。又以陰陽醫之說冒扁鵲。宜哉。後世不知疾醫也。夫陰陽者。天事也。非人事也。爲何損之。爲何益之。妄耶。妄也。蓋人飲食起居。行正中節。則無病。而四支百骸無患。此時乃得天地神明和光同塵之化也。今如陰陽損益之說。其論似可聞。其事實不可見也。夫醫治疾病者也。病者毒也。以草根木皮解其毒。則疾病盡去而已矣。乃扁鵲之傳評辨之。故茲不贊。

扁鵲不能治不受鍼藥之疾。

爲醫以拙矣。又多求謝。

疾有固者。不能明其法勢。

政小缺。法令可以坊。古防而必待難頌乃治之。是猶合隣之醫。而求俞跗而後治病。

所責良醫者。責其審情息而退邪氣也。其責其下鍼石而燬肌膚也。云云。若癰疽之相痛。色絳之相連。一節動而

百枝播。詩曰。舍彼有罪。既伏其辜。若此無罪。綸胥以鋪。痛傷無罪而累也。

扁鵲攻於腠理。絕邪氣。故癰疽不得成形。聖人從事於未然。故亂原無由生。是以砭石藏而不施。法令設而不用。斷已然。鑿已發者。凡人也。治未形。觀未萌者。君子也。

爲則曰。聖人能知人之生質。疾醫能知病毒之所在。故治未形。觀未萌者。其唯聖人與疾醫耳。素問雖論之。亦以陰陽之理。故無徵焉。

揚子法言曰。或問黃帝終始曰託也。昔者姒氏治水。土而亟步多禹。扁鵲盧人也。而醫多盧。夫欲僞僞者。必假真。禹平盧乎終始乎。

潛夫論曰。嬰兒有常病。貴臣有常禍。父母有常失。人君有常過。嬰兒常病。傷於飽也。貴臣常禍。傷於寵也。哺乳多則生癰病。

爲則曰。癰病之名。疾醫不道。爲名之不可爲治也。

凡療病者。必知脈之虛實。氣之所結。然後爲之方。故疾可愈而壽可長也。

爲則曰。是亦非疾醫之事。夫脈者。知毒之有無也。非知病者也。

又曰。氣之所結。是漢儒以臆斷事。所以疾醫之道絕焉。氣本無形。豈得結哉。

申鑒曰。有養性乎。曰。養性。秉中和。守之以生已。云云。藥者。療也。所以治疾也。無疾則勿藥可也。肉不勝食氣。況於藥乎。寒斯熱。熱則致滯陰。藥之用也。唯適其宜。則不爲害。若已氣平也。則必有傷。唯鍼火亦如之。故養性者不多服也。唯在乎節之而已矣。

爲則曰。是亦非疾醫之論。不知攻病與養生之道。詳辨於答問書。可考。又曰。後世所謂養生藥之誤。以此論可識得也。

夫膏肓近心而處死。鍼之不達。藥之不中。攻之不可。二豎藏焉。是謂篤患。故治身治國者。唯是之畏。

或問屬志曰。若殷高宗。能葺其德。藥。瞑眩以瘳疾。

中論前集曰。然彼亦知有焉。必待藥之。而後致遠。有醫必待行之。而後愈疾。

爲則曰。是聖門之學流也。家語曰。君子者行言。小人者舌言。是之謂平。

文子曰。嗜欲者生之累也。人大怒破陰。大喜墜陽。薄氣廢音。驚怖爲狂。憂悲焦心。疾乃成積。能除此五者。即含於神明。

爲則曰。非疾醫之論。斷不可取。

心邪經曰。上藥三品。神與氣精。恍恍惚惚。杳杳冥冥。存無守有。頃刻而成。回風混合。百日功靈。默朝。

參同契曰。若藥物非種。名類不同。分兩參差。失其綱紀。

藥與道乖殊。丹砂水精。得金乃併。金水合處。木火爲侶。四者混偶。列爲龍虎。龍陽數奇。虎陰數偶。肝青爲父。肺白爲母。腎黑爲子。離赤爲女。脾黃爲祖。云云。若以野葛一寸。巴豆一兩。入喉輒僵。不得僥仰。當此之時。周文操著。孔子占象。扁鵲操鍼。巫咸叩鼓。安能令甦。復起。馳走。

胡粉投火中。色壞爲鉉。冰雪得溫湯。解釋成太玄。金以砂爲主。汞和於水銀。變化由其真。終始自相因。欲作服食。關宜以同類者。云云。石膽雲母及礬。磁硫黃。燒豫章。泥汞相煉。治鼓下五石銅。以之爲輔。樞紐性不同類。安肯合體居。千事必萬敗。欲結反成癡。僥倖乾不遇。至人獨知之。

爲則曰。楊升菴曰。參同契爲丹經之祖。云云。心邪經以下。皆是神仙服食之事。用於常人。則必有害矣。醫家猶然。慎勿混焉。

卷四

扁鵲子曰。扁鵲曰。王獨不聞俞跗之爲醫乎。已成必治。鬼神避之。楚王臨朝。爲隨兵。故若堯之任人也。不用親戚。

而必使能其治病也。不任所愛必使。舊醫楚王。聞傳。暮賊一畫在身。必待俞跗。卓襄王曰。善。龐媛曰。王其忘乎。昔伊尹醫殷。太公醫周。武王百里醫秦。申蕪醫郢。原季醫晉。范蠡醫越。管仲醫齊。而五國霸。其善一也。然道不同。數卓襄王曰。願聞其數。媛曰。王獨不聞魏文王之問扁鵲邪。曰。子昆弟三人。其孰最善。扁鵲曰。長兄最善。中兄次之。扁鵲最爲下。魏文侯曰。可得聞邪。扁鵲曰。長兄於病視神。未有形而除之。故名不出於家。中兄治病。其在毫毛。故名不出於閭。若扁鵲者。鑄血脈。投毒藥。副肌膚間。而出聞於諸侯。魏文侯曰。善。使子行。術以扁鵲之道。曰。桓公幾能成其霸乎。凡此者。不治病。治之無名。使之無形。至功之成。其下謂之自然。故良醫化之。拙醫敗之。雖幸不死。劍伸股維。卓襄王曰。善。寡人雖不能無劍。孰能加秋毫寡人之上哉。

爲則曰。鵲冠子題辭曰。漢志。鵲冠子楚人。居深山。以鵲羽爲冠。著書一篇。因以名之。唐韓退之有曰。鵲冠子十九篇。其辭雜黃老刑名。其博選篇。四稽五至之說。當矣。學問篇。稱賤生於無所用。云云。柳子厚則謂。余讀賈誼鵲賦。嘉其詞。學者以爲盡出鵲冠子。皆前儒之確論。卓見。粗足以可觀矣。

劉向新序曰。扁鵲見齊桓侯。立有間。扁鵲曰。君有疾在腠理。不治將恐深。云云。爲則曰。與史記其文大同少異。

孔叢子曰。死病無良醫。

爲則曰。是亦非疾醫之論。夫死者天命也。雖扁鵲無奈之何。醫者主疾病。疾病則盡可治。故雖死病。若治而其死安靜矣。是謂之疾無不治。世所謂傷寒疫癘。衆醫畢言必死。其命未盡也。不藥而生矣。其生也。拙工者八九十日而復故。上工者不及三十日而復故。是其徵也。

陸賈新語曰。故制事者因其則。服藥者因其良。書不必起仲尼之門。藥不出扁鵲之方。合之者善。可以爲法。爲則曰。由是觀之。扁鵲之方。傳于漢也明矣。由是又求之。傷寒論之方。無古焉。然其書陰陽醫之選述作。而非疾醫選述作之也。故唯其方可取。而其論不可取。特於傷寒論。詳論其義焉。



晉屬鵠居宋。得罪於宋君。出亡之衛。衛人有病將死者。屬鵠至其家。欲爲治之。病者之父謂屬鵠曰。吾子病甚篤。將爲迎夏醫治。非子所能治也。退而不用。乃使靈巫求福。請命。對屬鵠而呪。病者卒死。靈巫不能治也。夫屬鵠天下之良醫。而不能與靈巫爭用者。知與不知也。

春秋繁露曰。今平地注水。去燥就濕。均耕施火去濕。云云。

蘇麥始生。由陽升也。其尤者。寧應死於盛夏。敷冬花於嚴寒。云云。

傲曰。災沴之氣。其常存邪。曰。無也。時生耳。猶乎人四支五藏中也。有時及其病也。四支五藏皆病也。

爲則曰。是正陰陽之論。疾醫不取。

說苑曰。銳金石。雜草藥。以攻疾。

會吉（丙吉）病甚。將使人加紳而封之。及其生也。太子太傅夏侯勝曰。此未死也。臣聞之。有陰德者。必獲其樂。以及其子孫。今此未獲其樂而病甚。非其死病也。彼病果愈。封爲博陽侯。終獲其樂。

吳起爲魏將。攻中山。軍人有病疽者。吳子自吮其膿。其母泣之。旁人曰。將軍於而子如是。尙何爲泣。對曰。吳子吮此子父之創。而殺之於注水之戰。戰不旋踵而死。今又吮之。安知是子何戰而死。是以哭之矣。

爲則曰。此文與史記大同少異。

寡人有腰脾之病。願諸大夫勿罪也。

今越腹心之疾。齊猶疥癬耳。

秦繆公嘗出而亡駿馬。自往求之。見人已殺其馬。方共食其肉。繆公謂曰。是吾駿馬也。諸人皆懼而起。繆公曰。吾聞食駿馬肉不飲酒者殺人。即以次飲之酒。殺馬者皆慙而去。居三年。晉攻秦。繆公聞之。往時食馬肉者相謂曰。可以出死報食馬得酒之恩矣。遂潰圍。繆公卒得以解難勝晉。願惠公以歸。此德出而禍反也。常縱有疾。老子往問焉。曰。先生疾甚矣。無遺教可以語諸弟子者乎。云云。

官怠於官成。病加於少愈。云云。

晉平公問叔向曰。歲饑民疫。翟人攻我。我將若何。對曰。云云。

對曰。吾國且亡。曰。何以知也。應之曰。吾聞病之將死也。不可爲良醫。國之將亡也。不可爲計謀。

民有五死。聖人能去其三。不能除其二。饑渴死者可去也。凍寒死者可去也。罹災兵死者可去也。壽命死者不可去也。癰疽死者不可去也。

爲則曰。癰疽死者不可去。是不知疾醫之道。夫人之論也。

孔子曰。惡是何也。語不言平。三折肱而成良醫。夫陳蔡之間丘之幸也。二三子從丘者皆幸人也。扁鵲過趙。趙王太子暴疾而死。云云。

爲則曰。此記同事。而其文與史記少同大異。蓋皆世傳。而記者所取必亦異也。余因曰。夫書者非有德之人則不可解也。此兩者從史記乎。從說苑乎。苟無實見而取。皆臆耳。學者思諸。

古者有留者謂之厲。君一時素服。使有司弔死問疾。要以巫醫。匍匐以救之。湯藥以方之。善者必先平糶寡孤。獨及病不能相養。死無以葬埋。則葬埋之。有親喪者。不呼其門。有齊衰大功。五月不服力役之征。有小功之喪者。未葬不服力役之征。

論衡曰。夫百草之類。皆有補益。遭醫人采掇。成爲良藥。

爲則曰。王充不知食醫與疾醫之道。此輪輿矣。夫食養者隨好惡。故有補益之道。而無攻擊之理。藥用者不擇好惡。故有攻擊之道。而無補益之理也。奚曰藥有補益。

古貴良醫者。能知篤劇之病所從生起。而以針藥治而已之。如徒知病之名。而坐觀之。何以爲奇。夫人有不善。則乃性命之疾也。無其教治。而欲令變更。豈不難哉。

爲則曰。今之爲醫。不免王充坐觀之機也。悲哉。

道家相誇曰。真人食氣。以氣而爲食。云云。

夫服食藥物。輕身益氣。頗有其驗。若夫延年度世無其效。百藥愈病。病愈而氣復。氣復而身輕矣。

爲則曰。此前後諸篇率皆服食家之事也。夫服食者。以氣而爲食。非常之事。於人無有益。故不取矣。然葛洪陶弘景孫思邈之輩。妄尊信之。混於醫。從此而後。正去而邪來。輪高而術卑。醫道絕滅。二千有餘年於此。夫憂萬民之疾病之君子。舍邪求正。斯論止斯術盛。吾黨之所願也。

病作而醫用。禍起而巫使。如自能藥方和藥。入室求藥。則醫不售而巫不進矣。

子路使子羔爲費宰。孔子曰。賊夫人之子。皆以未學不見大道也。醫無方術。曰。吾能治病。問之曰。何用治病。曰。用心意。病者必不信也。更無經學。曰。吾能治民。問之曰。何用治民。曰。以材能。是醫無方術。以心意治病也。百姓安肯信。而人君信用使之乎。手中無錢。之市。使貨主問曰。錢何在。對曰。無錢。貨主必不與也。夫胸中不學。猶手中無錢也。欲人君任使之。百姓信嚮之奈何也。

爲則曰。後世許氏曰。醫者意也。是本出于子華子。而其論之非。已可見於此。

醫能治一病。謂之巧。能治百病。謂之良。是故良藥服百病之方。治百人之疾。大才懷百家之言。故能治百族之亂。扁鵲衆方。孰若巧之一伎。

孝子之於親。知病不祀神。不和藥。又知病之必不可治。治之無益。然終不肯安坐得絕。猶卜筮求祟。召醫和藥者。惻痛慙慙。冀有驗也。既死氣絕。不可如何。

夫堯之使禹治水。猶病水者之使醫也。然則堯之洪水。天地之水病也。禹之治水。洪水之夏醫也。

呂后悲恨。後酖殺趙王。其後呂后出。見蒼犬噬其左腋。恠而卜之。趙王如意爲祟。遂病腋傷。不愈而死。凡天地之間有鬼。非人死精神爲之也。皆人思念存想之所致也。致之何由。由於疾病。人病則憂懼。憂懼見鬼出。凡人不病則不畏懼。故得病寢耗。畏懼鬼至。畏懼則存想。存想則目虛見。

焉則曰。孔子曰。不怪語力亂神。今涉獵此前後諸篇。往往此類間有病疾之事。無益於人。因不枚舉。

或問曰。天地之間。萬物之性。含血之蟲。有螻蛄蜂蟻。咸懷毒螫。犯中人身。云云。

焉則曰。考此論。毒者皆爲太陽之毒。僻論也。太陽爲毒。則太陰亦必爲毒也。凡天地之間。變於常則成爲毒。何唯太陽哉。且論中曰。草木之中有巴豆野葛。食之喫噎頗多殺人。不知此物稟何氣於天。是誠然。王充實不自知。不知則何爲此論。唯言太陽之毒。其誤可以知矣。

孝子之養親病也。未死之時。求卜迎醫。冀禍消藥有益也。既死之後。雖審如巫咸。夏如扁鵲。終不復生。何則。知死氣絕。終無補益。治死無益。厚葬何差乎。倍死恐傷化。絕卜拒醫。獨不傷義乎。云云。

人之疾病。希有不由風濕與飲食者。當風臥濕。握錢問祟。飽飯饜食。齋精解禱。而病不治。謂祟不得。命自絕。謂筮不審。俗人之知也。

焉則曰。雖謂疾病。非疾醫之論。慎不可取焉。

夫聖賢之治世也。有術。得其術則功成。失其術則事廢。醫猶醫之治病也。有方。篤劇猶治。無方。僞微不愈。夫方猶術。病猶亂。醫猶吏。藥猶教也。方施而藥行。術設而教從。教從而亂止。藥行而病愈。治病之醫。未必惠於不爲醫者。然而治國之吏。未必賢於不能治國者。云云。良醫能治未嘗死之人命。如命窮壽盡。方用無驗矣。

前漢書平帝記曰。元始二年。民疾疫者。舍空邸第。爲置醫藥。

禮樂志曰。桑間濮上。鄭衛宋趙之聲。竝出。內則致疾損壽。外則亂政傷民。

郊祀志曰。天子病鼎湖。蓋巫醫無所不致。游水發根。言上郎有巫病。而鬼下之。上召置祠之甘泉。及病使人問於神君。神君言曰。天子無憂病。少瘳強與我會甘泉。於是上病瘳。遂起幸甘泉。病良已。

不死之藥可得。

五行志曰。凡親傷者。病木氣。木氣病則金診之。云云。

爲則曰。已上陰陽五行相生相剋之理。或神仙之事。皆無益於病。故疾醫不探。學者思誦。  
驕近亂。替。師古曰替。近疾。廢情也。

及人則多病。口喉咳。故有口舌病。

爲則曰。評同于前。以下五行志言疾病。並皆陰陽五行之理。故疾醫不復取。

十八年秋。有蜮。劉向以爲蜮生南越。越地多婦人。男女同川。淫女爲主。亂氣所生。故聖人名之曰蜮。蜮猶惑也。在水旁能射人。射人有處。甚者至死。南方謂之短狐。

爲則曰。劉向時。嚴將取齊之淫水。爲避其禍。因蜮而爲說辭。則或可也。生短狐。如此說則臆而不可矣。

藝文志曰。侍醫李柱國校方技。每一書已。向輒條其篇目。撮其指意。錄而奏之。會向卒。哀帝復使向子侍中奉車都尉歆卒父業。歆於是總羣書。而奏其七略。云云。有方技略。

黃帝內經十八卷。

爲則曰。一說。今所傳內經。素問靈樞十八卷是也。爲則書細閱其書。率陰陽醫之語。非疾醫之語也。然其中間有些一二古語在。謹按粹之。而舉于篇末。

外經三十九卷。

扁鵲內經九卷。

爲則曰。據此。扁鵲之書傳于漢也明矣。悲哉。今不傳。是吾黨之憂也。以陸賈新語而考之。益知扁鵲之方傳于漢。於是徧索其方。仲景所傳傷寒論之外。蓋無所見焉。就其書論足扁鵲之遺法。而作類聚方。明考久。試而又作方極。誠哉君子之言。信而有徵夫。

外經十二卷。

白氏內經三十八卷。

外經三十六卷。

旁篇二十五卷。

焉則曰。右七部不傳。諸書亦未見所引用也。

醫經者。原人血脈云云。

焉則曰。是皆非疾醫所論。於是。疾醫既絕于漢。可以知矣。

五藏六府。辨十二病。方三十卷。師古曰。辨風濕之病。

五藏六府。疝十六病。方四十卷。師古曰。疝心腹氣病。

五藏六府。痺十二病。方四十卷。師古曰。痺黃病。

風寒熱十六病。方二十六卷。

秦始黃帝。扁鵲。俞跗。方二十三卷。

五藏傷中十一病。方三十一卷。

客疾五藏狂顛。方十七卷。

金創癰瘕。方三十卷。

婦人嬰兒。方十九卷。

湯液經法。三十二卷。

神農黃帝食禁。七卷。

焉則曰。右十一家。今亦不傳。就其書目思之。疑非疾醫之書。悲哉。疾醫之絕之尙矣。經方者。本草石之寒溫云云。

焉則曰。此論亦非疾醫之論。

諺曰有病不治常得中醫。

爲則曰余初見此諺我業於醫以爲大恥然數世之業輕忽不可舍焉於是思之思之又重思之嗟乎漢既疾醫絕滅特陰陽醫行而有此諺邪陰陽醫之於治無益可以知矣則此諺亦不爲甚於是余大發憤涉獵古書始見萬病唯一毒之說因朝夕鑽研試功日新遂精窮此術乃覺得免此諺之譏也吾黨小子慎莫惑病名醫論縱令誦解天下醫書諳記病名不能治病則焉免此諺之譏夫顏子曰夫道之不修也是吾醜也夫道既已大修而不用是有國者之醜也小子勉哉勉哉不拘病名醫論其唯知去其毒耳病乎疾乎何憂靡不治方技者皆生生之具王官之一守也太古有岐伯俞跗中世有扁鵲秦和蓋論病以及國原診以知政漢興有倉公今其技暗昧故能其書以序方技爲四種

爲則曰由是觀之班固著漢書時既言倉公之技暗昧況於扁鵲乎

賈誼傳曰天下之方病大瘡一經之大幾如腰一指之大幾如股平居不可屈伸一二指搖身慮亡軀失今不治必爲錮疾後雖有扁鵲不能爲已病非徒瘳也又苦膝豎云云又類辟且病痺夫辟者一面病痺者一方痛云云臣故曰一方病矣醫能治之而上不使

爲則曰是譬喻之辭非常病之論也且本文注解俱非疾醫之論

趙錯傳曰爲置醫巫以救疾病

灌夫傳曰夫身中大創十條適萬金良藥故得無死創少瘳云云五年十月悉論灌夫支屬嬰良久迺聞有效即陽病瘳不食欲死或聞上無意殺嬰復食治病議定不死云云春粉疾一身盡痛若有擊者

爲則曰陽病瘳是固非病

蘇建傳曰引佩刀自刺衛律驚自抱持武馳召醫鑿地爲坎置燭火覆武其上蹈其背以出血武氣絕半日復息惠等哭與婦營單于壯其節朝夕遣人候問武而收繫張勝武益愈

爲則曰。本邦見古戰場記。此類甚多焉。後世醫家輪脫血之證。其誤可以知矣。

司馬相如傳曰。苟藥之和。具而後御之。

爲則曰。凡食醫與疾醫其所主異矣。食醫者主養精。疾醫者主攻病。本草無此別。故不取。如師古注家亦不以之知也。

厚朴。芎藭。昌蒲。江離。麝香。

爲則曰。皆藥名。而亡足論。唯文章耳。

相如口吃而善著書。常有消渴病。

爲則曰。相如口吃與消渴。遂不治而卒。當時無疾醫。可以知矣。有之則相如奚不治而卒。宜哉。有有病不治之譏。

邪絕少陽而登太陰。

爲則曰。是固非疾醫之辭也。漢儒不知古有疾醫。以此輪疾妄也。

廩征北僑而役錢門兮。屬岐伯使尙方。

公孫弘傳曰。臣聞之氣同則從。聲比則應。今人主和德於上。百姓和合於下。云云。故形和則無疾。無疾則不夭。君不幸罹霜露之疾。云云。

爲則曰。是竝非疾醫之辭。

今事少間。君其存精神。止念慮。輔助醫藥以自持。因賜告牛酒雜帛。居數月有瘳。視事。

杜欽傳曰。昭帝未寢疾。徵天下名醫延年。典領方藥。

霍光傳曰。私使乳醫淳于衍行毒藥殺許后。

爲則曰。漢既絕疾醫焉。故有乳醫之目。



趙充國傳曰。寘於風寒之地。離霜露疾疫瘰癧之患。

京翼奉傳曰。臣聞人氣內逆。則感動天地。變見於星氣日蝕。

爲則曰。以上皆非疾醫之辭。

韓延壽傳曰。延壽聞之。對掾吏涕泣。遣吏醫治視。

野王傳曰。後遷爲東海太守。下濕病癰。

楚王雲傳曰。楚成帝河平中入朝。時被疾。天子聞之。下詔曰。蓋聞天地之性。人爲貴。人之行莫大於孝。楚王雲素行孝順仁慈。之國以來二十餘年。纖介之過未嘗聞。朕甚嘉之。今適遭命離于惡疾。夫子所痛日甚之。命矣夫。斯人也而有斯疾也。朕甚閔焉。夫行純茂而不顯異。則有國者將何勗哉。書不言平。用德章厥善。詩曰。粦粦在疚。云云。

王喜傳曰。朕居位以來。痼疾未瘳。反逆之謀。相連不絕。賊亂之臣。近侍帷幄。前東平王雲與后謁呪祖。朕使侍醫伍宏等內侍。案脈幾危。社稷殆莫甚焉。

游俠傳曰。樓護字君卿。齊人。父世醫也。護少隨父爲醫。長安出入貴戚家。護誦醫經本草方術數十萬言。

爲則曰。今有神農本經。考之疑僞作。故余以古人用藥之語。集錄曰藥徵。

鄧通傳曰。文帝嘗病癰。鄧通常爲上嗽吮之。上不樂。從容問曰。天下誰最愛我者乎。通曰。宜莫若太子。太子入問疾。上使太子齕癰。太子嗽癰而色難之。已而聞通嘗爲上齕。太子慙。繇是心恨通。

許皇后外戚傳曰。明年許皇后當娠病。女醫淳于衍者。霍氏所愛。嘗入宮侍皇后疾。衍夫嘗爲掖庭戶衛。謂衍可過辭霍夫人。行爲我求安胎監。衍如言報顯。顯因生心。辟左右。字謂衍。少夫幸報我以事。我亦欲報少夫可乎。衍曰。夫人所言。何等不可者。顯曰。將軍素愛小女成君。欲奇貴之。願以累少夫。衍曰。何謂邪。顯曰。婦人免乳大。故十死一生。今皇后當免身。可因投毒藥去也。成君即得爲皇后矣。如藥力事成。當貴與少夫共之。衍曰。藥難治。當先

嘗安可。顯曰：在少夫爲之耳。將軍領天下，誰敢言者？緩急相護，但恐少夫無意耳。衍良久曰：願盡力，即擯附子。齊入長定宮，皇后免身後，衍取附子，併合大醫大丸以飲。皇后有頃曰：我頭岑岑也。藥中得無有毒？對曰：無有。遂加煩懣。

爲則曰：史記有太倉公淳于意者，淳于衍豈其人耶？衍失醫道，爲毒殺人，宜哉罹災。夫扁鵲雖遇李炫之害，非扁鵲之罪也。太倉公雖因孝子之殯而免殺戮，何免其罪哉？吾黨小子勿以善小而不爲，惡小而爲之，慎哉！機微之失，非醫。

馮昭儀傳曰：有一男嗣爲王，時未滿歲，有瘡病。太后自養視，數禮祠解。哀帝即位，遣中郎謁者張由將醫治中山小王，由素有狂易病，病發怒云云。武帝時，醫修氏刺治武帝，得二千萬耳，今愈。

王莽傳曰：病瘳瘳，劇死。

莽使太醫尙方與巧屠共刳刺之，量度五藏，以竹筵導其脈，知所終始。云可以治病。

爲則曰：疾醫患而陰陽醫繁，陰陽醫繁而穿鑿彌甚，彌甚而治療愈惑。悲夫！知毒之所在，而不拘五藏，因脈之動靜，而知毒之多少，如斯耳。量度五藏經脈，知所終始，於治無益。

莽憂懣不能食，重飲酒，啗腹魚。

敘傳曰：道病中風。

爲則曰：中風之病名，非疾醫之辭。

和鵠發精於鍼石。

後漢書光武皇帝紀曰：高年鰥寡孤獨，及篤癯無家屬，貧不能自存者如律。

永念厥咎，內疚於心。

夏京師饑，泉涌出，飲之者固疾皆愈，惟眇瘵者不瘳。

爲則曰。漢疾醫絕焉。故不知治疾之道也。夫眇者有瞳子則明。蹇有骨肉則起。體泉亦瞑眩而吐瀉。則其毒去。眇蹇皆治焉。固無不治之病也。

孝和皇帝紀曰。幼年染疾。在疚。

寤寐永歎。用思孔疚。

朕寤寐惻矜憂。憂。

詔流民。欲還歸本。而無糧食者。過所實粟之。疾病加。至醫藥。其不欲還歸者勿強。

孝安皇帝紀曰。會稽大疫。遣光祿大夫將大醫。循行疾病。賜棺木。

孝桓皇帝紀曰。陰陽錯序。監寐寤歎。疾如疾首。今京師癘舍。死者相枕。

疾病致醫藥。死亡厚埋藏。民有不能自振。及流移者。粟穀如科。州郡檢察務崇恩施。以康我民。

皇后紀曰。帝嘗寢病危甚。陰后密言。我得意不令鄧氏復有遺類。后聞。迺對左右流涕言曰。我竭誠盡心。以事皇

后。云云。上以報帝之恩。中以解宗族之禍。下不令陰氏有人家之讎。即欲飲藥。宮人趙王者固禁之。因詐言。屬有

使來。上疾已愈。后信以爲然。迺止。明日帝果薨。

頃以廢病沈滯。久不侍祠。自力止原陵。加教逆。唾血遂至不解。存亡大分。無可奈何。

安思閭皇后紀曰。朕素有心下結氣。從聞以來。加以浮腫逆害。飲食寢以沈困。比使內外勞心精穢。私自付度。日

夜虛劣不能復。

爲則曰。結氣口以可言。事以不可爲。不可爲而言。此非虛言而何。故疾醫不言結氣者。嗚呼。漢已不可解之語。

有焉。是聖門之實學絕。子游子夏之虛文存耳。傳焉足徵。學者思諸。

李通列傳曰。宜令通居職。療疾。欲就諸侯。不可聽。於是詔通。勉致醫藥。以時視事。其夏引拜爲大司空。通布衣唱

義。助成大業。重以寧平公主。故特見親重。然性數恭。常欲避權執。素有消疾。自爲宰相。謝病不視事。連年乞骸骨。

帝每優寵之。令以公位歸弟養疾。通復固辭。

鄧禹列傳曰。訓遂撫養其中少年勇者數百人。以爲義從。羌胡俗恥病死。每臨困輒以刀自刺。訓聞有因疾者。輒拘持縛束。不與兵刃。使醫藥療之。愈者非一。小大莫不感悅。

馬援列傳曰。初援在交趾。常餌薏苡實。用能輕身省慾。以勝瘴氣。南方薏苡實大。援欲以爲種。軍還載之一車。時人以爲南土珍怪。

爲則曰。薏苡考古人試功之能。治水腫小便不利。而此註引神農本經。今觀其書。往往陰陽服食家之論。疑非神農之書。故從其書試功無徵焉。是知漢既有僞書。吾黨多不可取。

又曰。本邦弘法大師歸朝。始傳其種。故和名曰弘法麥。

卓茂列傳曰。後王莽篡權。休去官歸家。及莽篡位。遣使齎玄纁束帛。請爲國師。遂嘔血託病杜門自絕。伏湛列傳曰。譙見中暑病卒。

趙惠列傳曰。少有節操。從兄爲人所殺。無子。惠年十五。常思報之。乃挾兵結客。後遂往復仇。而仇家皆疾病。無相距者。惠以因疾報殺。非仁者心。且釋之而去。顧謂仇曰。爾曹若健。遠相避也。仇皆臥自搏。後病愈。悉自縛詣惠。不與相見。後竟殺之。

韋彪列傳曰。未能自割。且眩務帶疾。不堪久待。

蘇竟列傳曰。良醫不能救無命。彊梁不能與天爭。故天之所壞。人不得支。

曹襄列傳曰。時有疾疫。襄巡行病徒。爲致醫藥。經理饘粥。多蒙濟活。

第五倫列傳曰。其自食牛肉。而不以薦祠者。發病且死。先爲牛鳴。前後郡將其敢禁。倫到官。移書屬縣。曉告百姓。其巫祝有依託鬼神詐怖愚民。皆案論之。有妄屠牛者。吏輒行罰。民初頗恐懼。或祝祖妄言。倫案之愈急。後遂斷絕。百姓以安。

吾兄子常病。一夜十往。退而安寢。吾子有疾。雖不省視。而竟夕不眠。若是者豈可謂無私乎。  
鍾離意列傳曰。建武十四年。會稽大死者萬數。意獨身隱。親經給醫藥。所步多蒙全濟。  
宋均列傳曰。軍士多溫濕疾病。死者大半。

均嘗寢病。百姓耆老爲禱請。旦夕問起居。其爲民愛若此。

韓棱列傳曰。初爲郡功曹。太守葛興中風病不能聽政。棱陰代興視事。出入二年。

爲則曰。病名中風。疾醫不名。

班超列傳曰。超年最長。今且七十。衰老被病。云云。超素有胸脇疾。

楊終列傳曰。且南方暑濕。瘴毒互生。瘴困之民。足以感動天地。移變陰陽矣。

霍諝列傳曰。諝猶瘵飢於附子。止渴於鴆毒。未入腸胃。已絕咽喉。豈可爲哉。

爲則曰。此註云。附子烏喙根同。而因年狀異也。後世爲別物。其誤明矣。

黃憲列傳曰。父爲牛醫。

楊彪列傳曰。彪見漢祚將終。遂稱脚攣不復行。積十年後。子修爲曹操所殺。操見彪問曰。公何癘之甚。對曰。愧無  
日磻先見之明。猶懷老牛舐犢之愛。操爲之改容。

清河孝王傳曰。慶多被病。云云。後上言。外祖母王年老遭憂病。下土無醫藥。願乞詣洛陽療疾。

陳紀列傳曰。遭父憂。每哀至。輒嘔血絕氣。雖哀服已除。而積毀消瘠。殆將滅性。

李固列傳曰。詩曰。上帝板板。下民卒瘁。刺周王變祖法度。故使下民將盡病也。

劉瑜列傳曰。勞散精神。生長六疾。

爲則曰。此註引於左傳。左傳國醫之論也。以是不可論疾。

延篤列傳曰。皇子有疾。下郡縣出珍藥。而大將軍梁冀遣客齋詣京兆。并貨牛黃。篤發書。收客曰。大將軍椒房

外家。而皇子有疾。必應陳進醫方。豈嘗使客千里求利乎。遂殺之。冀斂而不得言。

段熲列傳曰。是爲癰疽。伏疾留滯。臨下。如不誅。轉就滋大。

皇甫嵩列傳曰。符水呪說以療病。病者頗愈。百姓信向之。

董卓列傳曰。癰疽雖痛。勝於肉食。

趙壹列傳曰。秦越人還。號太子。云云。

爲則曰。號太子。記事諸書各異。其世傳也明矣。而書無實見。不可解釋。縱難解釋。臆而其術難爲。其術難爲。則猶不解釋也。故聖人禁之。有不知而作之者。我不爲也。吾黨小子不能爲。則慎勿言。若欲能爲之。則以其實事解釋而可也。

劉梁列傳曰。臧武仲曰。孟孫之惡我藥石也。季孫之愛我美疾也。疾毒滋厚。石猶生我。此惡而爲美者也。

爲則曰。美疾左傳作疾疢。爲是。

戴就列傳曰。主者窮竭酷慘。無復餘方。乃臥就覆船下。以馬通薰之。

趙苞列傳曰。食祿而避難。非忠也。殺母以全義。非孝也。如是有何面目立於天下。遂嘔血而死。

爲則曰。趙苞至誠相貫。以嘔血而死。其命也夫。

段熲列傳曰。有一生來學積年。自謂略究法術。辭歸鄉里。縣爲合膏藥。并以簡書封於簡中。告生曰。有急發視之。

生到葭萌。與吏爭度律。吏搥破從者頭。生開簡得書。言到葭萌與吏鬪。頭破者以此膏裏之。生用其言。創者即愈。

生歎服。乃還卒業。

郭玉列傳曰。云云。

爲則曰。通篇可讀。然非疾醫之所取。今世傳醫書。道家之書也。故醫不得無漢唐之鏡。

華佗列傳曰。云云。

焉則曰。是亦通篇可讀。然他之術亦非疾醫之法也。悲哉。扁鵲沒後。名于醫者皆道家。醫而未嘗聞有疾醫之真傳。然方術傳中措而不舉。以其不可學也。此傳中麻沸散不傳。千古遺憾哉。咽喉塞者用辟瘟。可試。人形體勞動及諸導引之法亦皆可用。其它莫所取矣。

陳文矩妻列傳曰。漢中陳文矩妻者。同郡李法之姊也。字穆姜。有二男。而前妻四子。文矩爲安樂令。喪於官。四子以母非所生。憎毀日積。而穆姜慈愛溫仁。撫育益隆。衣食皆供。皆兼倍所生。或謂母曰。四子不孝甚矣。何不別居以遠之。對曰。吾方以義相導。使其自遷善也。及前妻長子與遇疾困篤。母惻隱自然。親調藥膳。恩情篤密。與疾久乃瘳。於是呼三弟謂曰。繼母慈仁。出自天愛。吾兄弟不識恩養。禽獸其心。雖母道益隆。我曹過惡亦已深矣。遂將三弟詣南鄭獄。陳母之使。狀已之邊。乞就刑辟。縣言之於郡。郡守表異其母。獨除家徭。遣散四子。許以修革。自後訓導愈明。竝爲良士。

爲則曰。夫穆姜養育繼子。其疾病困篤。其恩情篤密。世猶或可能焉。至其以義方導不孝子。盡其病根。改過遷善。遂爲良士。非至誠殆不可能也。嗚呼。可謂古今之良醫。古語云。樹德莫如茲。去疾莫如盡。穆姜有焉。

南蠻西南夷列傳曰。南州水土溫暑。加有瘴氣。致死亡者。十必四五。冉駹夷傳曰。土氣多瘴。在盛夏冰猶不釋。云云。有靈羊可療毒。又有食藥鹿。鹿覺有胎者其腸中糞亦療毒。云云。特多雜藥。

遼中月氏胡傳曰。羌雖外患。實深內疾。若攻之。不根。是養疾癰於心腹也。

于寘國傳曰。元嘉元年。長史趙評在于寘。病癰死。評子迎喪。道經拘彌。拘彌王成國。與于寘王建素有隙。乃誣評子云。于寘王令胡醫持毒藥著劍中。故致死耳。評子信之。

西夜國傳云。地生白草有毒。國人煎以爲藥。傳箭鏃。所中即死。

禮儀志曰。不豫。太醫令丞將醫入。就進所宜藥。嘗藥。監近臣。中常侍。小黃門。皆先嘗藥。云云。

百官志曰。太醫令一人。六百石。本註曰。掌諸醫藥丞方。丞各一人。本註曰。藥丞主藥。方丞主藥方。云云。內經。

爲則曰。內經之真偽。詳評于醫斷。故不贅。今但摘其古語。關係于醫事之要者。錄焉。

夫脈之小大滑澀浮沈。可以指別。

觀浮滑澀。

緩急小大滑澀。

爲則曰。夫脈者。考毒之動靜也耳。以脈論疾者。陰陽醫。而疾醫不爲也。故扁鵲曰。不待切脈。言病之所在。以脈不可論疾也明矣。夫內經立六脈。甚以易別。達之宜哉。雖愚夫愚婦。可別規矩也。不可別則非規矩也。乃如難經及脈經之脈狀。雖上工別之至難矣。況生徒乎。不思亦甚。

齊毒藥攻其中。

風者百病之長也。

爲則曰。是固非疾醫之語也。而醫之爲恆言。而治療之害不淺鮮矣。故特評之。毒藥攻邪。五穀爲養。五果爲助。五畜爲益。五菜爲充。氣味合而服之。以補精益氣。

爲則曰。不識得實通於是。則不可爲醫也。夫邪攻之。精養之。故攻者不避好惡。養者隨好惡也。不避好惡。則雖五穀皆毒也。隨好惡百藥亦皆養也。文王之易獸。孔子之畫。曾皙之羊棗是也。而養者其如守節。攻者不如盡毒。學者思諸。

邪之所湊。其氣必虛。

爲則曰。是古語也。內經布演解之大誤矣。夫氣不特虛。特虛則死矣。今邪毒湊則氣不流通。故其毒之所湊。其氣必虛。如不仁是也。苟除其所湊之毒。則氣自流通焉。然以爲不去其所湊之毒而補其氣。氣實則愈矣。奚有



治也。甚哉。爲醫之至於斯也。

邪氣盛則實。精奪則虛。

爲則曰。是醫家以爲論虛實之標的。然內經布瀆之以陰陽也。是非疾醫之論。故其詳詳于醫所。百病生於氣也。

是國醫之論。而非疾醫之事。

鼓脹治之。以雞矢醴一劑。

岐伯曰。病名血枯。云云。以四烏雞骨一鹿茹二物。併合之丸。以雀卵。大如小豆。以五丸爲後飯。飲以鮑魚汁。

爲則曰。爲後飯。疾醫不言。是陰陽醫之理耳。不可取矣。

帝曰。有病。身熱解墮。汗出如浴。惡風少氣。云云。以澤瀉朮各十分。藥銜五分。合以三指撮。

黃帝問曰。婦人重身。毒之何如。岐伯曰。有故無殞。亦無殞也。

有毒無毒。所治爲主。適大小爲制。

爲則曰。論有毒無毒。是食醫之事。以是論藥誤矣。藥者皆毒也。雖五穀用以爲藥。則皆毒也。不可不知焉。

足中指支。脛轉筋。脚跳堅。伏兔轉筋。脾前腫。癰疽。腹筋急。引缺盆及頰。卒口僻急者。目不合。熱則筋縱。目不開。頰筋有寒。則急引頰移口。有熱則筋弛。縱緩不勝收。故僻治之以馬膏。膏其急者。以白燭和圭。以塗其緩者。以桑鉤鉤之。卽以生桑炭。置之坎中。高下以坐等。以膏熨急頰。且飲美酒。噉炙炙肉。不飲酒者自強也。爲之三拊而已。治在燔鍼劫刺。以知爲數。以痛爲輪。上工治未病。不治已病。

爲則曰。陰陽醫者。以應輪之。故無徵焉。是謂之有輪無實。

其病大癰。膿治之。其中乃有生肉。大如赤小豆。剉薩蔥草根各一升。以水一斗六升。煮之竭。爲取三升。則強飲。厚衣坐於釜上。令汗出至足已。

傷寒論

爲則曰。余於此書熟覽精讀。蓋有年矣。其序曰。漢長沙守南陽張機著。而考其文。非漢之體格。且後漢書。有一藝名者。盡舉而錄。奚獨仲景之無傳也。歷史中。至於晉書。始曰。後漢張仲景爲醫。是可言矣。撰次傷寒論人者。叔和也。王叔和者。西晉大醫令也。若據叔和之言記之乎。它又無所見。或疑撰次之時托名乎。是未審也。又曰。書中論與處方有乖異者。以是攙入之多可知也。蓋見于陸賈新語。傳扁鵲之方于漢也明矣。因索其方。夜以繼日。汲汲乎求之而未得也。故標的於扁鵲之傳。而撰定此書。實驗于衆庶之病。而探撫其方。爲萬病唯一毒。信而有徵。若不爲一毒而治之。徒眩傷寒中風之病名。則無寸效矣。於是益信。命男飲之。正傷寒論之攙入不疑矣。蓋方雖良。非其人則功鮮。夫扁鵲何人也。古昔良醫也。良醫何爲也。能治疾也。疾不能治。奚爲良醫。故雖有良方。非其人則未嘗免馬服君之子之譏。勉哉。勉哉。勤之在獲乎已耳。

傷寒論評

爲則曰。竊讀於呂氏春秋。而雖有獲於病之大本爲一毒。然未嘗獲其治法也。故孜孜汲汲。夜以繼日。久之始獲於傷寒論。不知手舞之足蹈之。是三代疾醫。治萬病一毒之法也。於是朝考夕試。視病之所在。以處其方。信而有徵。然此書西晉王叔和撰次。爲漢張仲景著。而漢書無傳。且見其書所篇述。陰陽醫而非疾醫也。唯方古也。其篇中曰。傷寒曰中風曰瘀血曰食傷等用柴胡。是病名後世之所加。而治方古人之遺法也。今醫家之病名。唐孫思邈曰。四百四病。近世之書。病名加多千有餘。爲則不佞頑愚。後隨傳讀。而十之一不得記。臆不記臆。則不妨於爲醫。以病名醫不可爲也。於戲命哉。由天寵靈。獲見此方。此方與呂氏春秋所言同。爲萬病一毒。其視尋之所在。以處其方。何病患不治哉。於是忘吾頑愚。執其方而類聚之。其疑者爲口。以便復古。夫空談虛論。徒害事實。醫唯治病。病不治。奚爲醫者。故以獲治術爲務。同志之士。幸行言勿言矣。